



黃州府志

聖諭 卷之首 盛典

ル 5
3258
2



門 儿 5
號 3258
卷 2

黃州府志卷首

聖諭

世祖章皇帝敕大學士傅以漸日講官曹本榮

曹本榮黃岡人儒林有傳

朕覽易經一書義精而用溥範圍天地萬物之理自魏王弼唐孔穎達有注與正義宋程頤有傳朱熹本義出學者宗之明永樂間命儒臣合元以前諸儒之說彙為大全皆於易理多所發明但其
中同異互存不無繁而可刪華而寡要且迄今幾三百年儒生學士發揮經義者亦不乏人當並加採擇折衷諸論簡切洞達輯成一編昭示來茲爾等殫心研究融會貫通析理精深敷詞顯易務約而能該詳而不復使義經奧旨炳若日星以稱朕闡明四聖作述至意欽哉故敕



康熙三十年奉

上諭朕撫馭區宇三十年以來早夜圖維惟以愛育蒼生俾咸臻安阜爲念比歲各省額徵錢糧業已次第蠲豁其歲運漕米向來未經議免朕時切軫懷所有京通各倉米穀樽節支給數載於茲今觀歷年儲積之粟恰足供用應將起運漕糧逐省蠲免以紓民力除河南省明歲漕糧已頒諭免徵外湖廣江西浙江蘇安徽山東應輸漕米著自康熙三十一年始以次各蠲免一年至江寧京口杭州荊州大兵駐防地方亦應預行積貯倉廩令該地方官敬慎守視以備需用欽此

雍正五年七月奉

上諭戶部湖北地方今年四五月間雨水稍多江流泛漲沿江之地

罹於水患如武昌府屬之咸寧蒲圻嘉魚三縣武昌武左二衛漢陽府屬之漢陽漢川二縣荊州府屬之江陵縣荊州衛黃州府屬之黃陂黃梅二縣俱係濱江之地田畝被淹米價漸昂朕心深爲軫念著該地方官加意撫卹朕又思此縣衛數處既經被水若仍令其輸納錢糧民間未免竭蹶著將今歲錢糧全行蠲免儻有已經完納者准作雍正六年應完之項朕格外施恩該地方大小官吏務須實力奉行使小民均沾惠澤儻有絲毫侵隱假借之處一經查出定行從重治罪欽此

乾隆十七年五月奉

上諭據湖廣總督永常巡撫恆文奏黃州府屬之羅田縣與江南英霍二邑山谷毗連有姦民馬朝柱等藉名開山燒炭住居深嶺假

捏神符句連匪黨製械積糧陰圖不軌該督等密飭文武員弁前往查拏並咨行江省於所屬山境派撥弁兵協同搜捕永常尹繼善俱親往該處督率辦理先後拏獲姦匪家屬及黨羽人等起出軍械硝磺等物永常勇往辦理甚合機宜得封疆大臣之體尹繼善同心協力深屬可嘉方今國家全盛之時海隅日出咸樂享昇平此等匪民潛謀叛逆貽禍良善身任地方之責者一有所聞卽應迅速查辦務絕根株庶不致蔓延滋事儻稍有畏難姑息之見俾得煽誘鄉愚恣行屯聚卽不難用以兵力盡舉而殲旃而閭閻之受其擾累者已不可言矣羅田縣知縣馮孫龍初奉該督撫檄飭查勘意在粉飾了事輒以開山獲利均屬勞苦農民並無可疑形迹等情草率稟覆夫馬朝柱等自乾隆十五年潛住該境結黨

聚眾伊旣漫無覺察及上司訪聞檄飭竟不親身赴砦確查轉以誑稟掩飾至已經敗露之際又不親往搜捕以致首逆遠颺縱惡養奸莫此爲甚朝廷賞罰必在嚴明此等劣員若不立置重辟將來守土之吏亦何以責其捍災禦患而爲百姓除害乎且設使更有大於此案者其貽禍尙可問乎馮孫龍著拏解該處卽行正法並宣諭守令各官使果能身任其事勇往勦除未必卽至爲賊戕害縱或身膺賊鋒奉職而死國家酬庸之典必且加之優卹延及子孫而畏葸避事之徒思欲保全軀命終爲法所不容凡有地方之責者均當以此爲戒總督永常著交部以軍功議敘總督尹繼善著交部議敘兩省在事文武員弁交各該督查明分別等次報部議敘其從前失察各員均著查明議處馬朝柱等著該地方嚴

緝務獲已獲逆黨人犯除應俟逆首質訊定擬者仍牢固監禁外餘卽研訊確實分別情罪重輕按例定擬應正法者卽行正法應發落者卽予發落完結至該二省毗連山嶺險僻路徑錯雜處所應如何設法查禁防範卽著永常尹繼善會商速行定議奏聞事已就緒永常尹繼善亦不必久駐邊縣著各回省欽此

乾隆十七年五月奉

上諭軍機大臣等湖廣羅田縣奸民馬朝柱於江南英霍二山連界之天堂寨聚眾爲匪一案已據湖廣總督永常親往搜捕黨羽就擒居民盜謐惟首犯馬朝柱尙在逃脫江楚兩省督撫俱經密咨鄰壤通行緝捕向來要犯一人通緝地方官率以虛文了事並不實力查拏懸案任其久稽惟於歲終出具境內並無該犯蹤迹印

結而已此案非尋常可比馬朝柱乃係爲首倡逆聚眾謀叛要犯幸而及早敗露未致騷動地方假使稍遲雖萬無能爲而煽惑益眾無知愚民受其陷害附近村眾罹其荼毒將不可言矣該犯既經免脫不在本境卽在鄉村或奔竄或潛藏非此卽彼果能實力搜查逃將焉往惟視之膜外則終無獲理耳馬朝柱必不可令其漏網著傳諭各省督撫能將該犯弋獲則爲有功若獲自他省凡經過地方未經盤詰得實者必查明治罪毋謂朕之不戒也欽此

乾隆二十二年七月奉

上諭軍機大臣等據碩色等奏黃州府屬廣濟縣蠹書周錫樾等十人輪充糧庫總書自乾隆十四年至今歲歲加派私徵分肥現在提究屬實並將庇縱捏飾之守令李琚馬汝明題參等語加派

私徵例干嚴禁當此政務肅清之時何以該省尙有此種錮蔽懣久未破且廣濟一縣既有不法蠹書朋比爲奸則他邑難保其必無此所關於吏治民風者甚大總督碩色年已漸老精神恐不能周到巡撫莊有恭到任尙需時日著傳諭布政使富勒渾速赴湖北新任護理撫篆會同碩色卽將此案情弊詳細追究從重辦理其餘各邑亦應澈底通查毋得草率從事欽此

乾隆二十三年三月奉

上諭軍機大臣等碩色等奏據蘄州知州汪元懋稟報有流勾百餘人由江省竄入大同鄉地方搶奪雞物格傷居民張必萬等隨經飭委員弁陸續拏獲何連等男婦九十四名口並搜出刀斧等物件現在究訊解江等語江楚接壤之地易爲匪類潛蹤并有實非

饑民託名勾食竄入滋擾者地方官因其流勾不行實力查禁以致竊奪拒捕傷人肆無忌憚不可不嚴懲創昨據尹繼善等參奏宿松縣流勾執械搶奪傷人一案請將縱匿之典史等革職已允所請飭部矣此等不法之徒大干法紀應卽於緝獲審明之地就案完結不必押解歸案辦理費兵役而稽時日中途轉致疎脫滋事著該督等卽速查審明確量其情罪重大者於本處按律定擬請旨完結脅從各犯解京分別發遣以儆刁頑其各該犯逞兇滋擾地方該管官不能約束緝拏者並著查明交部議處江省現在查審此案遵照一體辦理著并傳諭尹繼善高晉知之欽此

乾隆二十九年七月奉

上諭內閣常鈞奏黃梅廣濟武昌黃岡蘄水蘄州等處因江水漲溢

民田廬舍不無漫漫其黃梅廣濟二縣情形較重等語該處一帶因大雨時行江水暴長居民田廬猝被水淹朕心深為軫念著該督撫速行勘明被災各屬災重之處所有乏食民人勢難緩待者卽隨查隨賑撫卹一月口糧其被災稍輕者酌量借給口糧籽種俾得趕種秋禾以資接濟俟勘明被災分數再行分別辦理該督等其實心督率經理賑卹毋任吏胥從中侵漁滋弊俾貧民均霑實惠欽此

乾隆三十年正月奉

上諭內閣上年湖北黃梅等各州縣偶被水災已經疊降諭旨加恩賑恤撫綏嗣據該督撫等奏報被水之區補種收成均有六七八分不等民情已為安帖第念藉賑貧民向資官廩入春東作方興

正當青黃不接若驟行按例停止未免糊口維艱深為軫念著再加恩將被災較重之公安監利黃梅三縣及毗連之廣濟一縣無論極次貧民俱展賑一箇月並酌借籽種以資耕作其沔陽漢川漢陽三州縣及勘不成災之江夏武昌咸寧嘉魚蒲圻興國大冶黃陂黃岡蘄水黃安蘄州石首等十三州縣收成究屬稍歉亦著該地方官酌借常社等倉穀石接濟口糧籽種俾得盡力南畝以待麥秋該督撫等董率屬員實心辦理務使小民均沾濺澤副朕加惠元元至意欽此

乾隆三十二年閏七月奉

上諭內閣據定長奏湖北黃梅廣濟等州縣六月間雨水過多江湖陡漲隄垸受衝田廬間有淹浸現在親往查勘等語該處州縣濱

臨江湖每遇夏秋盛漲易致浸溢此次黃梅廣濟等處被災稍重朕心深為軫念所有黃梅廣濟二縣著該督卽速照例撫恤仍著詳勘被災情形妥協經理毋使稍有失所其黃岡漢陽漢川沔陽武昌江夏嘉魚等各州縣衛並著迅速查明成災分數分別賑卹該督其董率所屬加意籌辦實力撫綏務俾小民均霑實惠毋致胥吏從中滋弊以副朕軫恤災黎至意欽此

乾隆三十二年八月奉

上諭軍機大臣等據定長奏湖北黃梅縣董家口以下卽係江南地方舊有隄塍一道自順治年間修後並未重修若能修復舊隄一百里不特黃梅廣濟可資捍禦卽江西德化江南宿松等縣胥受其益等語黃梅等縣居全楚下游內湖外江易致淹浸據圖內所

繪情形而論如涼亭商家各口未嘗非節年修築之隄工一經江湖異漲卽不免衝潰今欲於商家口以東復築隄百里則是加之堵束與江爭地當水發之時上流不更激而漲溢乎且此處隄工自順治年間旋建旋廢經久未加修葺可見江水勢大原非一綫隄所能抵禦此時卽勘估修復亦未必能一勞永逸則又不如順其自然之爲得也定長於江防諸務未經諳習茲但據道員盧謙所稟欲議興修恐於江湖形勢未必實有裨益此地與安徽江西毗連定長原有與三省會辦之語高晉總理河務有年籌辦水利素爲熟悉著交與高晉前往相度情形將應否辦理之處會同定長熟商妥議具奏欽此

乾隆三十二年十月奉

上諭據高晉定長等奏會勘湖北黃梅等縣董家口以上界連江西德化境內一帶江隄潰決之處應行修築估需銀一萬七千九百餘兩請借動公項照例交民自修分年徵收還款一摺該處地濱江湖所有隄工自應及時補修以資保障但念黃梅等縣頻年偏被水災閭閻不無竭蹶况借項鳩工按年攤扣民力終多拮据而一切派委董事仍令紳衿承辦勢必仍蹈黎明五等故轍於事更無裨益所有此次隄工著加恩卽動用公項交地方官實力妥辦毋庸借帑扣還俾貧民得以赴工餬口是於捍衛田廬之中推廣以工代賑之法實屬一舉兩得該部卽行遵諭行欽此

乾隆三十三年正月奉

上諭內閣上年湖北省黃梅等十三州縣並屯坐各州縣之武昌等

七衛夏秋間被水災業經該督等照例分別撫恤加賑惟念停賑之後卽值青黃不接之時貧民口食不無拮据著加恩將被災較重之黃梅廣濟黃岡漢陽漢川五縣及屯坐各縣之武昌三衛地方無論極貧次貧軍民概行加賑一箇月其黃梅等州縣上年應徵錢糧雖已分別蠲緩所有乾隆二十九年被水以後未完帶徵錢糧及領借籽種口糧若仍按限徵追尙恐積歉之區輸將無力並著加恩統緩至本年秋收豐稔後再行帶徵該督撫等其督率所屬實力奉行務使災黎均霑實惠欽此

乾隆三十三年九月奉

上諭內閣定長等奏黃梅隄工完竣所有餘贖應還司庫銀一千一百餘兩請留爲歲修之用並請將動用銀兩每歲照數於通邑按

畝隨糧徵收歸款一摺殊屬非是此項隄岸本應民修之工朕以災歉之後格外加恩發帑興築爲該處居民圖計安全永資保障今全工甫竣例有保固年限何致遽籌及繕完若限內卽需重修則此番糜帑鉅萬竟屬有名無實承修各官所辦何事當於伊等是問至限外有偶需補葺之年亦有不必修葺之歲今請將動用銀兩仍於通邑每歲按畝徵還歸款則是以朕施恩之事轉藉端暗地加徵累民徒供不肖有司開銷肥蠹乖政體而滋吏弊更屬錯謬定長程燾均著交部議處欽此

乾隆三十四年六月奉

上諭內閣據揆義奏湖北自五月以後雨水過多江水陡長江夏武昌等州縣地畝房屋多被淹浸現在率令道府等查勘等語湖北

濱臨大江之區每遇夏秋盛漲易致泛溢此次江夏武昌興國漢陽漢川沔陽黃岡等州縣田廬被淹雖成災分數不同朕心深爲軫念著該督撫等卽速詳勘被災情形照例撫恤妥協辦理毋致窮黎稍有失所其勘不成災之處卽可補種晚禾民力未免拮据並著酌量借給籽種實力撫綏俾小民均霑實惠毋令胥役從中滋弊以副朕軫恤閭閻至意欽此

乾隆三十五年正月奉

上諭內閣去年湖北漢陽黃州府屬因夏雨稍多江水漫溢沿江各縣被有偏災業經加恩分別賑恤並諭借給籽種趕種晚禾俾裕口食現在東作方興麥收未屆閭閻生計猶恐不免拮据所有黃梅廣濟漢陽漢川四縣及坐落四縣之武昌武左黃州蘄州四衛

並蘄州衛坐落宿松德化等處之屯田皆屬被災較重之區著再加恩將成災九分之極貧與七分八分之極貧次貧均加賑一月其中有需再借穀種者仍令酌量借給倉穀以濟春耕該處連年被潦前借籽種尚有未完舊欠並著緩至秋成之後再行徵收俾民食得益寬裕該督撫等務嚴飭所屬妥協經理實力稽查毋使官吏中飽俾歉地黎民均霑闔澤欽此

乾隆四十三年十一月奉

上諭內閣本年湖北漢陽等各府屬先後被旱災又因漢江盛漲被淹災分較重節經降旨諭令該督撫等加意撫恤第念災後貧民蓋藏鮮少其補種之秋蓄雜糧收成亦屬有限若銀米兼徵民力不無拮据著加恩將成災有漕糧之江夏武昌嘉魚漢陽黃陂孝

感黃岡潛江天門荊門安陸雲夢應城應山江陵公安石首監利松滋咸寧蒲圻大冶等二十二州縣本年應完漕糧正耗米石水腳及隨漕銀兩均緩作兩年帶徵至有徵漕之崇陽通城興國沔陽蘄水羅田蘄州廣濟黃梅隨州等十州縣雖未成災但悉與災地環近在本處既歉收食貴而鄰境成災應徵之民皆仰資購食又通山當陽二縣雖係折徵銀兩但需撥江夏等縣耗米均宜藏富於民以資接濟並著加恩將該二十二州縣應納漕糧正耗米石及折漕銀兩水腳隨漕等銀同成災無漕而有應徵隨漕淺船銀之黃安等縣管屯田分坐災地應徵軍三安家閒丁等項分解湖北湖南之武昌荊州等各衛所銀兩一體暫寬催納亦緩至下年帶徵該督撫等務宜董率各屬實力妥辦毋使吏胥從中滋弊以

副朕軫念災黎至意該部即遵諭行欽此

乾隆四十四年正月奉

上諭內閣上年湖北漢陽安陸荊州各府屬夏禾被旱入秋江漢盛漲又被淹浸災分較重業經降旨該督撫照例給賑以示優恤第念今春正賑畢尚屬青黃不接之時民食未免拮据著再加恩將江夏漢陽漢川黃陂孝感鍾祥京山潛江天門荊門雲夢應城江陵公安石首監利棗陽宜城十八州縣及屯田坐落各州縣之武昌武左沔陽黃州德安荊州荊左荊右襄陽九衛成災七八九十分極次貧軍民俱各加賑一箇月以資東作其毋庸展賑各州縣衛亦著察看情形分別酌借口糧籽種俾得盡力南畝以待夏秋該督撫等董率屬員實心經理務使窮簷均沾渥澤該部遵諭速

行欽此

乾隆四十四年十一月奉

上諭內閣據鄭大進奏麻城縣生員李對年八十三歲天門縣生員李作朋年八十一歲本年文闈應試精力尚健三場完卷榜發均未中式等語李對李作朋俱著加恩賞給舉人准其一體會試用昭嘉惠耆年至意欽此

乾隆四十七年正月奉

上諭內閣湖北潛江等縣衛因襄水泛漲沿河田垆被水浸潰屢經降旨令該督撫等切實查勘照例賑恤毋使失所第念今春正賑已畢尚屬青黃不接之時民食不無拮据著再加恩將被災八分以上之潛江江陵監利荊門等州縣及屯坐該州縣之荊州左二

衛極次貧軍民加賑一箇月以資接濟其續被秋水之鍾祥京山二縣被旱之雲夢應城二縣及屯田坐落之各衛所軍田並未成災五分之江夏武昌漢陽黃陂孝感等縣及勘不成災之天門沔陽安陸應山廣濟黃岡石首等州縣並京山縣之東西北三鄉民屯田地該督撫等酌看情形再請分別賞借籽種俾窮黎得沾實惠盡力春耕該督撫其董率所屬實力妥辦以副朕軫念災黎之至意該部遵諭速行欽此

乾隆四十九年正月奉

上諭內閣上年湖北黃梅廣濟黃岡江夏四縣因六月閒江水盛漲濱江地畝均被淹浸致成偏災業經降旨令該督撫實力撫卹俾無失所第念今春正賑已畢距麥收尚遠正屆青黃不接之時民

食未免拮据著再加恩將黃梅廣濟成災八九分之極次貧軍民展賑一箇月俾資餬口其餘被災較輕地方有應於今春酌借口糧籽種以資接濟之處並著該督撫察看情形分別辦理該督撫其董率各屬實力妥辦俾窮簷均沾渥澤以副朕軫恤災黎用普春祺至意該部即遵諭速行欽此

乾隆五十年九月奉

上諭內閣據吳垣奏本年湖北江夏武昌等州縣民田軍屯夏秋被旱成災內應行輸漕州縣共計有三十餘處自開徵月餘完納無幾體察情形民力甚為拮据懇請照四十三年緩徵成案分別辦理等語著照所請將成災較重有漕之江夏武昌咸寧嘉魚蒲圻漢陽沔陽黃陂孝感荆門廣濟黃梅應城隨州江陵公安監利十

七州縣本年應完漕糧正耗米石銀款等項緩作三年帶徵成災較輕有漕之興國大冶崇陽潛江天門黃岡蘄水蘄州羅田安陸雲夢應山石首松滋十四州縣本年應完漕糧正耗米石銀款等項緩作兩年帶徵至被災稍輕之通城及毗連災區之通山當陽又成災之黃安等州縣所有本年應徵漕糧並折漕隨漕銀款俱著一體緩作兩年徵解其該處屯田分坐災地應徵等項亦著一併寬至下年帶徵俾軍民均得從容輸納口食益資充裕以副朕軫念災黎母使一夫失所之至意欽此

乾隆五十一年正月奉

上諭內閣上年湖北江夏等州縣並武昌等衛因旱曠成災夏收無望節經降旨糶賑兼施俾災黎口食有資不致一夫失所第念現

屆東作方興青黃不接民食恐不無拮据所有成災七八九十分之江夏武昌咸寧蒲圻嘉魚漢陽沔陽黃陂孝感漢川廣濟黃安麻城黃梅鍾祥荊門應城隨州江陵公安監利襄陽棗陽穀城光化宜城等二十六州縣並坐落各該州縣衛所屯田之極次災貧軍民著加恩於正賑散畢後再行展賑一箇月其成災五七八分之興國大冶黃岡蘄水蘄州羅田潛江京山天門當陽安陸雲夢應山石首通山松滋枝江宜都均州鄖縣崇陽二十一州縣並有不成災之通城南漳東湖三縣以及坐落各該州縣衛所軍民俱著加恩分別賞借口糧籽種以資耕作該督撫其董率所屬實力體察奉行務使閭閻均沾實惠以副朕軫念民艱恩加無已之至意該部即遵諭行欽此

乾隆五十一年三月軍機大臣等會同行在刑部議奏湖廣總督特成額奏湖北黃岡縣賊犯陳其方等行竊拒捕傷斃緝役陳其方擬斬立決同拒捕而未傷人之郭彥春照為從例擬杖流陳其方應如該署撫所擬處決郭彥春情節較重請改發伊犁給厄魯特為奴得

旨此案竊賊陳其方拒捕殺人脫逃被獲自應如所擬即行處斬其幫同拒捕並未傷人之郭彥春該署撫因係為從之犯照例於斬罪上減一等問擬杖流經軍機大臣會同行在法司覈其情節較重將該犯改發伊犁給厄魯特為奴所擬甚是向例凡於拒捕為從者俱於為首斬罪上減一等問擬杖流但為從之犯雖同一拒捕而事主之與官差究有區別如犯罪事發業經官司差人拘捕

該犯仍敢藐法抗拒較之事主追逐臨時抵拒者情罪自為較重若概以為從並未傷人一例減流不足以儆兇頑而昭法紀嗣後抗拒官差為從者即照此案定擬餘仍照舊例辦理著為令欽此

乾隆五十一年十月奉

上諭內閣前據李侍堯奏孝感縣革生梅調元等因饑民搶掠糧食糾眾逞兇活埋多命地方官諱匿不辦一案因思湖北因災發帑至五百餘萬為賑濟饑民之用即有所不足再請亦所勿靳也必係該省辦理災賑事務有不肖官吏從中侵冒情弊使恩不下逮故降旨令該督等嚴查具奏茲據李侍堯等查奏黃安縣上年放賑該縣經承王炳王言綸句串知縣陳玉之子虛開戶口侵冒賑項又興國州參革知州温有光於上年承辦撫恤加賑領銀易錢

黃州府志 卷之五
查對所放數目竟有易多散少侵漁入己情弊請將知縣陳玉革職同參革知州溫有光提同應訊人等一併嚴審按律定擬等語已發者如是未發者更不知幾何也上年湖北因旱成災朕軫念災黎蠲賑兼施動用帑金至五百萬餘兩令特成額等督率所屬加意撫恤今據李侍堯等查奏該省不肖州縣竟有浮開戶口冒賑侵漁之事此皆由特成額在湖廣總督任內諸事廢弛而藩司永慶臬司王廷燮亦俱因循怠玩於賑恤要務全不認真查辦一任不肖州縣侵漁舞弊以致災民不能均沾實惠若非李侍堯李封前往接任督撫澈底清查則此等劣員皆得保其慾壑不致敗露其何以肅吏治而懲貪墨耶是特成額永慶王廷燮前此之身獲重譴解京治罪實屬天理彰著昭昭不爽可爲封疆大吏廢弛

不職者炯戒除令軍機大臣存記俟特成額等解到逐款詢究外所有黃安縣知縣陳玉著革職同參革興國州知州溫有光一併拏問交李侍堯等提集應訊人證嚴切根究一經審訊質證得實卽將該州縣及陳玉之子並經承王炳王言綸等一併解交刑部審訊按律定擬以示懲儆欽此

乾隆五十三年七月奉

上諭前據圖桑阿陳准等奏荆江夏汎漲潰決隄塍將府城及滿城淹浸沖沒人口朕覽奏爲之惕然惻然隨降旨令該督撫卽速馳赴彼處詳悉查明加意妥恤嗣據舒常奏得信後卽與撫臣會商預飭附近各縣動穀碾米聽候撥運接濟復取庫局錢糧以備應用伊卽由水路起程親往查勘本日復據奏到日夜加緊趕往

會同將軍等迅速妥辦等語前因舒常陞見回任後未經奏有回任日期是以諭令姜晟卽速前往親加履勘今舒常旣已前赴該處省城亦不可無大員彈壓且賑卹需用接濟穀米餅麪錢銀等項俱須由省城撥運姜晟自當在省籌備一切預爲備置卽可毋庸前往舒常到彼後務宜逐加履勘詳悉查明加意妥爲撫卹一面奏聞一面卽行散給俾資接濟毋致失所不可稍存諱飾至此次荆州被災情形較重附近村莊亦不無淹浸處所而長陽一縣前次亦經被水現在蒲圻漢川蘄水羅田黃梅鶴峯等州縣復經姜晟奏或因山水陡發或因河湖漫溢低窪田地間有被淹等語各處被水雖輕重不同係災民自應一體查明設法疏消妥爲撫綏其有應行酌予賑緩之處卽據實奏明分別辦理不可因荆

州府城被災較重遂專意辦理而於別縣被水處所未免心存忽視以致災民或有失所舒常姜晟等務當一體詳加妥辦以仰副朕軫念災黎一視同仁至意舒常姜晟等奏到各摺一併發鈔欽此

乾隆五十三年九月奉

上諭內閣惠齡奏湖北沔陽黃岡二州縣被水地畝涸出無多節候已遲不能補種等語荆州上游各屬被水貧民業經降旨分別撫卹其下游漢陽等縣亦經借給口糧小民口食有賴自可無虞失所今沔陽黃岡二州縣因積水未消田畝未經涸出難以補種著借給一月口糧以資接濟該督撫務須督飭該地方官查明實在被水戶口按名給發毋任假手胥役稍滋剋扣其餘成災處所應

行給賑者並著該督撫照例具題實力撫卹以副朕軫念災黎有加無已至意欽此

乾隆五十三年十月奉

上諭內閣畢沅等奏湖北被水各屬內江陵等縣民屯田地被水成災嗣因湘河漲發潛江一縣亦被淹浸各該州縣應完漕項銀米分應依限輸納但察其情形未免拮据等語湖北被災各屬其本年及舊欠錢糧業經分別蠲緩停徵茲屆應完漕項之期若即令依限輸納民力究未免拮据所有成災較重之江陵公安石首監利漢陽沔陽黃岡廣濟黃梅潛江十州縣本年應徵漕糧正耗米石水腳隨漕銀兩均緩作兩年帶徵成災較輕之松滋江夏二縣本年應徵漕糧正耗米石水腳隨漕銀兩亦緩作一年帶徵統加

恩俟下年帶徵五十年災緩米銀全完之後再行遞年帶徵其各衛所屯田分坐災地應徵各項運費銀兩亦著一併緩至下年帶徵俾得從容輸納益資寬裕以示朕嘉惠有加無已至意欽此

乾隆五十三年十二月奉

上諭內閣據畢沅等奏查勘廣濟黃梅二縣隄工向係民修今請暫行借帑興修俟事竣分年攤徵歸款等語本年湖北荊州被水地方所有萬城及監利等處隄工俱經發帑官爲修築今廣濟等縣隄工雖係例應民修之工但念該處被災之後民力未免拮据此次廣濟黃梅二縣隄工估需銀共二萬八千一百餘兩均著加恩動用官項修築將來再行照舊辦理以示朕加恩災區一視同仁至意欽此

乾隆五十四年正月奉

上諭內閣湖北江陵等州縣夏秋被水成災節經降旨賑卹分別蠲緩帶徵小民自可不致失所第念今春正賑已畢青黃不接之時民食恐不無拮据而江陵監利二縣因隄塍潰決被淹尤甚更宜格外優卹著再加恩將江陵縣成災八九十分軍民不分極次及監利縣成災八分極貧軍民於正賑之外再加賑兩箇月其公安漢川黃梅三縣成災八分極貧軍民並各加賑一箇月俾資接濟又公安等縣內成災七分極貧次貧八分次貧暨成災七八分之石首漢陽沔陽黃岡廣濟長陽六州縣成災五六分之潛江縣極次貧各軍民成災五分勘不成災各屬仍著該督撫察看情形或酌借籽種口糧或減價平糶分別酌辦該督撫等務須督飭所屬

實心經理俾災黎均沾渥澤以副朕軫念窮簷普惠春祺至意該部卽遵諭行欽此

乾隆五十五年九月奉

上諭內閣畢沅奏湖北江夏武昌等各州縣衛有應徵積年緩帶錢糧八十二萬六千二百餘兩請於本年徵收十分之四其餘六分於乾隆五十六七八三年輪免正賦之期按數完足等語楚省本年雨暘時若閭閻幸獲豐收但於一歲之內新舊並徵民情不無拮据著照該督所請湖北江夏武昌咸寧嘉魚蒲圻興國大冶漢陽漢川黃陂孝感沔陽黃岡蘄州蘄水黃梅廣濟潛江天門荊門雲夢江陵公安石首監利松滋二十六州縣並武昌武左沔陽蘄州黃州荊州荆左荆右等八衛所有應徵積年緩帶錢糧八十二

萬六千二百五十兩零著於本年先徵十分之四其餘均於五十六七八輪免錢糧之年照數輸納俾小民生計倍覺寬舒以示朕加惠黎元至意欽此

乾隆六十年三月奉

上諭內閣惠齡奏蘄州民吳應名圖姦十三歲族弟吳應青不遂用刃砍傷斃命又因吳應青之母柳氏孀王氏聞喊趨救該犯起意一併殺死並將幼女卯姑毛女同時砍死審明後即將吳應名凌遲處死等語吳應名因圖姦同族幼弟不遂轉敢殺死五命實屬淫惡兇殘不法已極近來屢有殺斃一家數命之案前據奇豐額奏溺斃一家五命昨又據長齡等奏審擬曲江縣民婦溫氏同子陳復受將伊夫陳松九謀死圖詐陳觀復一案幾於不忍披閱茲

復有淫惡如吳應名者不意天下竟有此等行同禽獸之人皆緣教化未敷朕實愧之朕臨御六十年凡所以教治斯民者訓誡叮嗚不啻家喻戶曉乃化之不行百姓時復蹈於法網甚至若吳應名陳復受等罔顧倫紀肆惡逞兇殊出情理之外不特朕當引以為愧凡有司牧之責者均當共切懷慚夫治民之道教化為先今不能道之以德齊之以禮不得已齊之以刑而莠民仍不知悛懼悖棄倫常屢蹈重辟良用愆然嗣後各該督撫及地方官等務宜廣宣朕諭隨時勸導俾民俗丕變悉臻上理以仰副朕教誡諄諄至意欽此

嘉慶二年七月奉

上諭據汪新奏酌派兵勇防堵豫匪一摺汪新想未得勦盡息縣賊

匪之信故有此奏現在豫省匪犯業經景安辦竣無事所有該撫調往黃州堵截官兵卽著撤歸原伍惟湖北宜昌府屬之巴東歸州一帶逼近夔州而長陽宜都又爲白魚寨賊巢後路該二處最關緊要汪新惟當專心籌辦務須嚴密堵截應遵照前旨察看該二處何處緊要卽行馳往該處相機防範無使竄匪乘閒闖入楚境復有句結此爲最要再東三省豫備進哨兵丁原擬派往豫省業已無事已傳知惠倫阿哈保帶領此項兵丁前往楚省著汪新就近探知如額勒登保一路尙需兵力卽令前赴長陽交與額勒登保等調遣如長陽賊匪業已勦盡而宜綿觀成等軍營需兵協助酌量何處緊要卽令前赴何路總之汪新距此兩路較近見聞必確探知何處需兵孔急卽告知惠倫阿哈保帶領此項兵丁迅

往期於軍營有裨不可稍涉拘泥也將此由六百里加緊又緊傳諭知之欽此

嘉慶四年五月奉

上諭前經降旨令楚省督撫查明被賊地方應徵錢糧有無帶徵緩徵之項並本年春徵實數據實速奏茲倭什布等奏湖北孝感安陸應城隨州應山江陵荊門當陽等八州縣緩徵漕米又孝感京山安陸應城隨州應山襄陽南漳穀城保康竹谿荊門當陽遠安等十四州縣及武昌左右黃州襄陽德安等衛所緩徵隨漕水腳等款銀數並著加恩將孝感等八州縣緩徵南漕正耗米一十萬六千三百六十一石零及孝感等十四州縣武昌等五衛所隨漕水腳等款銀七萬九千七百零一體均行豁免其一隅被賊之蒲

黃州府志 卷之首
圻崇陽黃陂黃安四縣及近賊地方並被水緩徵之咸寧通城江夏嘉魚漢川沔陽潛江天門公安石首監利松滋等十二州縣節年緩帶錢糧及本年春徵銀兩又此外各屬緩徵節年南漕米石及隨漕水腳等款俱著加恩自嘉慶五年起分作兩年帶徵以紓民力欽此

嘉慶七年三月奉

上諭湖北省被賊地方歷年應徵錢糧俱經節次施恩分別蠲緩現在大功將竣誠恐民力尚有未紓特降旨令吳熊光等察看情形具奏茲據吳熊光等奏查明湖北各州縣被賊輕重情形開單進呈著加恩將被賊較重之鄖縣鄖西房縣竹山竹谿保康東湖巴東興山歸州十州縣本年應徵地丁正耗錢糧全行蠲免其前此

應分三年帶徵之積欠錢糧著再展限二年分作五年帶徵被賊次重之襄陽棗陽南漳穀城宜城均州長陽長樂來鳳利川咸豐宜恩荆門遠安當陽鍾祥枝江宜都隨州孝感二十州縣本年應徵地丁正耗錢糧蠲免十分之五此內應分三年帶徵之積欠著再展限一年分作四年帶徵被賊較輕之京山江陵光化安陸應山應城黃陂蒲圻崇陽黃安恩施建始十二州縣本年應徵地丁正耗錢糧蠲免十分之三以示朕軫念民依有加無已至意欽此
嘉慶九年七月奉

上諭內閣前據全保奏報湖北荆門等州縣隄垸間被漫淹當經諭令該撫確查具奏茲據奏到查勘情形天門等處漫缺隄口已分飭所屬趕緊搶修並疏濬積水漸次消退居民不致流離口食亦

無虞缺乏惟該處被淹地畝陸續涸出雖可補種秋禾究恐失時若將新賦按例科徵民力仍不無拮据除荆門江陵二州縣積欠錢糧業經全行豁免天門沔陽漢川潛江監利五州縣積欠錢糧俱經分年緩展外所有天門沔陽漢川三州縣同區分轄之七十二垵並該垵屯坐各衛被水地畝本年秋徵地丁錢糧著加恩緩至來年秋收後徵收其荆門潛江江陵監利四州縣被水各圖垵及屯坐各衛地畝本年秋徵地丁錢糧著加恩緩至來年麥收後徵收至黃梅一縣濱江近湖被災較重應辦賑恤蠲緩各事宜著卽詳查酌籌具奏候降旨施恩此外尙有應行調劑之處並著隨時奏聞請旨毋得稍存諱飾以副朕軫念民依至意欽此

嘉慶九年十二月奉

上諭內閣前因吳熊光等奏審明麻城縣民人田文潮縱容伊妻鄒氏與僧文瑞通姦復聽從文瑞行竊敗露被獲致文瑞商同鄒氏將伊母余氏搭樊以圖搪抵一案該督等將田文潮按例擬發黑龍江給披甲人爲奴尙未允協降旨諭令刑部酌量加罪另議具奏茲據奏請將田文潮擬絞立決並請嗣後子孫有犯姦盜致祖父母父母被人毆死或被謀故殺害之案不問是否縱容袒護均照此案辦理等語則又未免過當凡刑名案件總在權情理之平此案僧文瑞圖姦鄒氏不從經田文潮之母余氏與田文潮商量勸令鄒氏與文瑞通姦是余氏縱姦圖利實屬無恥迨文瑞商允田文潮竊得鄰村穀稻衣物將餘贓交余氏收藏是余氏又係縱竊本有應得之罪與並未縱容憂忿戕生者迥別若照議予以絞

決在田文潮一犯寡廉鮮恥死何足惜設遇子孫有犯姦盜祖父
母父母實不知情者其罪何以復加未免漫無區別田文潮著改
爲絞監候秋後處決並著刑部纂入條例嗣後除子孫因犯姦盜
祖父母父母並未縱容憂忿戕生者仍照例擬絞立決其祖父母
父母縱容袒護後經發覺畏罪自盡者將犯姦盜之子孫發黑龍
江給披甲人爲奴外其有祖父母父母縱令子孫犯姦犯盜以致
被人毆死或被謀故殺害者均照此問絞監候通行遵照總之明
刑所以弼教凡問擬罪名必當將案情詳細研求期於無枉無縱
以扶風化而儆兇頑不可意爲輕重也欽此

嘉慶十九年閏二月奉

上諭內閣馬慧裕等奏應山縣平糶米石不敷民食請酌撥鄰邑倉

穀接濟一摺應山縣上年被旱歉收經該督等奏明動碾倉穀減
價平糶今據奏稱糶贖餘米止有一千餘石不敷接濟現當青黃
不接之時小民餬口維艱加恩著照所請再酌撥安陸縣倉穀一
千石應城縣倉穀一千石黃岡縣倉穀二千石趕緊碾米運赴應
山仍按前此奏定減價接濟平糶俟秋成後再令各縣買穀還倉
其另片奏鄖陽府屬上年歉收各縣前次奏撥倉穀十分之五不
敷接濟鄖陽府屬各縣僻處山陬商販罕至現在撥碾倉穀不敷
著該撫察看情形如須接濟卽於就近之房縣現存餘贖秋米內
酌量添撥其糧價過昂之鄖陽竹山竹谿保康四縣准其照二兩
一錢之價一律平糶糧價稍賤之房縣鄖西二縣每石各按現賣
市價減銀一錢以平市價而裕民食欽此

嘉慶二十年七月奉

上諭軍機大臣等馬慧裕等奏拏獲習教斂錢傳呪各犯審訊大概情形一摺此案孫家望聽從戴添幅等倡言青蓮紅蓮白蓮教名目並有朱元係彌勒佛臨凡李朱爲教頭之語膽敢拜師念呪習教斂錢並輾轉傳授楊添玉等不法已極除朱元李朱二犯現已另降諭旨交胡克家嚴緝務獲外所有現獲各犯著馬慧裕等卽嚴行審訊按律定擬具奏麻城縣知縣翟中倫巡檢孫紹棠緝獲匪犯尙屬能事著於定案時將該二員保奏以孫家望等罪名之輕重錄其功績之大小俟奏到時再行量子施恩欽此

道光元年八月奉

上諭內閣本日陳若霖等奏已革黃梅縣知縣王進祖虧短錢糧一

案已照所擬辦理矣州縣虧空倉庫錢糧侵盜挪移情節輕重懸殊卽罪名出入迥別其侵盜官帑私肥己橐者審實必當執法嚴懲以儆貪黷若因公挪移其情不無可原然該督撫必須將動用實據根究明確方成信讞卽如王進祖挪移庫銀以爲買補驛馬黏修城垣倉廩搶築隄堰之用必皆有工程簿籍可考均當一一驗明方足以杜藉詞支飾之弊著通諭直省各督撫嗣後審辦此等案件務將挪用實據查覈明確於摺內詳細聲敘朕察其情節分別覈辦以昭平允欽此

道光二年二月奉

上諭湖廣總督陳若霖湖北巡撫楊懋恬按察使陸言朕聞黃岡縣有盜首殷萬虛殷世祿二匪黨夥眾多行蹤詭祕爲各處盜賊逋

逃之藪居民畏蕙遷移府縣亦不過問再荊州府爲水陸通衢商賈輻輳近來城鄉水泊亦常有搶劫及刃傷事主之案緣該處有積年窩家高方瑤者居住江陵縣岑河口地方現充荊州府衙門挂名白役羣盜搶劫贓物均先寄頓其家聽其擇取然後羣盜始行分用甚至奉文緝拏要犯捕役等必先商之該犯其獻出與否惟該犯是聽且外來及本處無業棍徒均藉該犯周給是以樂爲之用該荊州府李煥酣飲賭博於一切公事置之不問內則委之幕友長隨外則聽之書役佐雜委員乃於高方瑤窩盜並充當衙役之事漫無覺察朕所聞若是特諭爾督撫臬司等知之必應慎之又慎密之又密卽速訪察一有端倪卽著遴委妥幹人員密行前往查拏一面將知府李煥摘印解省據實參奏汝等皆係朕簡

任大員如能實力查辦不稍隱諱朕再不加以失察之咎若不實心辦理苟且了事或恐招嫌怨或化大爲小嗣後經朕訪得確實試問汝等能任其咎乎其慎勉之欽此

道光五年九月奉

上諭內閣李鴻賓等奏查明各州縣歷年盤折倉穀勒限買補一摺湖北漢陽等府屬二十州縣額貯常平倉穀因歷任交代盤折及氣頭廠底鼠耗共缺穀三萬七千六百九十餘石俱將穀價流交存貯州縣各庫尙未買補據該督等查明將交存前項價銀提貯司庫請勒限採買足額著照所請卽飭將漢陽漢川孝感黃岡蘄羅田鍾祥京山江陵石首監利松滋枝江襄陽棗陽宜城南漳均光化穀城二十州縣盤缺倉穀察看本年秋成豐稔卽飭該州縣

勒限三箇月如數買齊以實倉貯如再逾限未能買補卽行指名嚴參從前違例折價各員姑念官非一任事非經手免其追究自此次盤查清釐之後儻再將盤缺倉糧擅行折價接收容隱不報一經查出著卽將前後任各員一併嚴參究辦勿稍寬貸欽此

道光七年四月奉

上諭內閣嵩孚奏查明各州縣盤折徵變穀石勒限賠繳並請免參處一摺湖北省額存倉穀經該督盤查共虧缺二萬二千九百七十四石零內除盤折穀石已據該州縣繳存價銀尙未買補外其氣頭廠底徵變穀石顯係該州縣經理不慎所致乃以濱臨江湖地處卑溼倉穀易致沓爛爲詞請免處分各省沿江沿湖州縣甚多若皆以此藉口豈能概從寬貸著該督卽查明各該州縣徵缺

之多寡開送職名交吏部分別議處並勒限追賠價銀此內除大冶京山二縣已將價銀解繳司庫孝感黃岡東湖歸州巴東各州縣並沔陽衛六處價銀已分別解儲府州縣庫外其孝感黃岡二縣及沔陽衛三處係每石以銀六錢五分作價恐不敷買補著責令一律按每穀一石價銀一兩分別補足同解存價銀一併提解司庫至咸寧通山漢陽黃陂沔陽五州縣未繳穀價亦著按每穀一石解銀一兩一千石以上者勒限三箇月二千石以上者勒限半年解交司庫儻延不批解或繳不足數卽著撤參所有提存司庫銀兩著該督察看秋收豐稔飭發買補還倉仍責成該管道府分往查驗結報此後各州縣存儲倉穀如再不妥慎經理致有折耗又不立時補足或交代時虛款作抵及以例價折交致有虧缺

黃州府志 卷之四
著卽嚴參治罪毋得稍事姑容欽此

咸豐二年十一月奉

上諭軍機大臣等陸建瀛奏查明長江守禦一摺已有旨諭令江蘇安徽江西一體嚴防矣據稱逆匪若竄入長江惟有於湖北漢口以下至黃州所屬之蘄州廣濟等縣察看江岸寬窄約計礮力能及處所較定準頭節節嚴防以備不虞等語逆匪竄入岳州昨已諭令徐廣縉常大涓等將武昌漢口漢陽荊州水路各要隘分設重兵防賊奔竄並諭以漢口地方爲大江南北咽喉賊易垂涎尤應設法保護茲據陸建瀛所奏各節該督籍隸楚北所奏自係實情著徐廣縉常大涓按照所陳悉心體察水路地勢扼要設防尤須派委得力大員前往督率豫爲布置鎮撫人心毋至臨時猝辦

稍有延誤欽此

咸豐二年十一月奉

上諭軍機大臣等太常寺少卿雷以誠奏湖北省沿江一帶如江夏之青山黃州之陽邏團風三江口武昌之樊口大冶之道士泆蘄州之州城廣濟之田家鎮武穴皆扼要地方陽邏江面較狹道士泆磯險水急實吳楚門戶關鍵在省城下游現在逆匪窺伺武昌恐因省城難攻潛行東下則東南震動亟應加意籌防策出萬全等語著徐廣縉常大涓按照所奏體察情形凡屬要隘地方迅速派兵嚴密防守務飭帶兵將領認真督率其省城上游之金口等處水陸各要隘仍須設法堵禦以杜賊黨續至欽此

咸豐二年十一月奉

上諭軍機大臣等前因江防緊要疊次降旨令陸建瀛酌度情形如須親往督辦卽著馳赴上游扼要調度現已數月未接湖北續報賊氛方熾難保不順流東下擾及沿江一帶該督前奏守禦長江惟有力爭上游之法所見極是該督籍隸湖北於長江形勢險要素爲熟悉此時武昌漢陽戒嚴恐無暇顧及江防江西兵力又形單薄朕再四思維湖北黃州蘄州廣濟等處沿江險隘恐有疏虞所關甚重著陸建瀛迅卽馳往九江上游扼長江之險援應湖北卽爲江西安徽自固藩籬之計軍事變遷旦夕不一必須籌之於先庶免臨時倉猝朕聞黃州迤南百二十里爲道士洑江面最窄有山可據地勢極爲險峻應否於此地扼守與徐廣縉南路之兵互爲聲援一面與蔣文慶張芾熟籌布置賊情詭詐必不專由水

路前來其陸路險要地方亦恐該匪勾結土匪與水路船隻互相牽掣仍須水陸兼顧毋致失險沿江船隻必須預先收集以備我用毋爲賊匪所得欽此

咸豐二年十二月奉

上諭內閣逆匪現踞漢陽將武昌漢口俱搭浮橋三面接應省城勢甚危急向榮等援兵先後已到武昌若能渡江直擣賊巢水陸並進陸建瀛張芾等復於九江上游要隘派兵前後夾擊使賊首尾不能相顧自可一鼓成擒逆匪捨船登岸分擾黃州一帶則陸路與安徽接壤處處可虞亦必須先期擇險設伏邀擊方能互相策應若賊匪下竄黃蘄一帶我之水師旣須防其火攻且可設法用火燒賊船隻或仿古人柴荻灌油繫走舸於船尾之法行之但

必宜暗藏港汊俟賊船過後繞出上游順流乘風方可得手陸建瀛於楚北水陸地勢素所深知著卽通盤籌畫與徐廣縉向榮互相知會協力同心殄此醜類毋得稍分畛域致誤事機欽此

咸豐二年十二月奉

上諭軍機大臣等據向榮奏籌勦情形並陸應穀奏探報賊情各一摺該逆攻陷武昌後於漢陽漢口搭有浮橋將城內銀錢搬入船內並有賊船三四百隻滋擾黃州府及武昌縣現在向榮擬設法將賊船橋焚毀斷其往來自應如此辦理所奏調集礮船招募水摸豫備火攻之具已諭知張亮基潘鐸迅速妥籌照辦矣至所探黃州武昌兩城不能固守距營二百里並無官兵防堵似此情形則九江最爲急迫前已疊次諭令陸建瀛迅帶水陸官兵前往

迎擊並令張芾等嚴密布置惟陸建瀛並未徵調他省勁旅所帶兵勇不及五千人九江上游一帶兵力單弱朕心深爲懸念必須豫楚兩路大兵迅往應援堵截方爲嚴密三路始可會勦朕所以屢諭琦善向榮等令其各選精兵馳往九江及安徽一帶與陸建瀛會合堵截正是此意若南北兩路各固藩籬不能迅速應援則賊匪窺伺東路兵單勢必水陸下竄兩江當衝設有疏失亦必掣動全局向榮必當通籌合計一面攻勦武漢賊匪一面卽派提鎮大員統兵疾趨繞出黃州之前或道士袱尙可扼守卽於彼處堵賊東下計湖南鎮將派撥船礮帶兵北來亦可剋期而至前後夾擊定能得手欽此

咸豐三年三月奉

上諭軍機大臣等寄諭署湖廣總督張亮基等現在賊匪攻陷江甯揚州疊飭各路大兵會剿難保該逆被創後不沿江回竄湖北武漢黃各郡雖經收復各要隘防堵仍不可鬆懈據琦善奏該逆不肯輕棄船隻現在江面肆意游奔等語著該署督撫察看沿江地方如道士洑黃石港等險要處所必須設法防守當此無事之時正可安排船礮以備不虞並可爲下游調撥攻剿之用仍須搜捕奸細毋令潛伏句結欽此

咸豐三年九月奉

上諭軍機大臣等據吳文鎔奏賊匪擾及蘄州距省甚近咨調援兵一摺該督歷任封圻朕所倚賴現值防剿喫緊之時著與崇綸安撫省垣居民勸令協同固守並著台湧迅調荊州滿營官兵二千

名剋日至省援應與唐樹義帶回廣濟兵勇並江忠源收集潰散之兵先行分撥布置江西之兵二千名雖經該督咨調恐一時不能趕到仍著就本省情形酌量遠近於他鎮協營飛劄調遣並咨調湖南兵勇船隻自上游駛至漢江與張亮基購造各船會集迎勦如探明賊匪尚在蘄州卽於道士洑西塞山至黃石港一路險窄江面扼要堵截黃州爲省城屏蔽不可令該匪竄入尤不可株守省城不爲迎頭截擊之計也欽此

咸豐三年十一月奉

上諭軍機大臣等前經降旨諭令台湧擇要截勦與吳文鎔等隨時知照互爲聲援茲據該將軍奏稱應否帶兵赴省並添兵派防襄陽請旨定奪一摺軍情變幻靡常全在酌量緩急相機布置若必

黃州府志 卷之百
事事請旨則往返數千里接奉諭旨之時情形又各不同豈可稍涉拘泥現據吳文鎔等奏稱省城業已解嚴賊船停泊黃州是目下楚省情形黃州最爲緊急武昌稍可從緩據稱崇綸函咨該將軍赴省合勦吳文鎔又咨稱不必來省如賊船回竄省城緊急再行飛咨帶兵前來自應酌度緩急照此辦理至襄陽等處亦應豫爲防範所請將提鄖兩標兵一千三百名令遊擊霍萬林帶赴襄陽著卽嚴飭該遊擊會同安襄鄖荆道羅遵殿實力籌防毋稍疏懈總之武昌省城與荆襄均關緊要該將軍現署提督惟當統籌全局與吳文鎔崇綸協力同心先其所急不可稍分畛域是爲至要欽此

咸豐四年六月奉

上諭軍機大臣等台湧奏派兵進勦阜市一帶賊匪並片奏將軍舒倫保逗遛不進各情現在應城亦經收復德安等處餘匪漸就肅清而天門縣屬與該縣交界之阜市一帶尙有賊眾盤踞滋擾台湧現派佈克慎帶兵馳往勦辦此股賊匪無多無難迅速殄滅自無須大兵全數久駐該督移師德安以後將及而月仍未督兵南行卽謂必須計出萬全方操勝算亦不應似此遷延株守致誤事機此時黃州漢鎮大股負固如常兼以楚南逆蹤全行下竄皖江潰敗之匪紛紛駛入上游武昌待援情形何等緊要儻以援兵未到致有疏虞台湧又豈能置身事外節次所降諭旨旣詳且備著該督迅籌進攻之策一面嚴飭佈克慎速將阜市一股滅盡以爲前路之導一面統兵前進探賊所向奮力殲除總期節節打通與

省城聲勢聯屬庶可爲會合夾攻之計桂明現已行抵德安其所帶官兵一千八百餘名皆係勁旅或令該提督全數帶同進剿或應留若干扼要設防均由台湧酌量調度前據官文等奏荊州各屬諸就肅清已分兵由襄河入江隨地勦洗冀可直達武昌是西路亦有應援當此兵力厚集之時台湧職任疆圻膺茲統兵重任事權旣一責有攸歸惟在體察機宜妥速籌辦毋得再事迂緩致干罪戾欽此

咸豐四年九月奉

上諭軍機大臣等塔齊布會國藩奏水陸大軍同日克復武漢二城一摺此次兩城克復聲威大振北竄餘匪復經楊霈疊次勦殺漸就肅清是楚省大局已定卽應分路進剿由九江安慶直抵金陵

掃清江面會國藩雖係署任巡撫而勦賊之事重於地方自湖南東下水陸各路官軍必須該署撫與塔齊布會同調度方能人人用命斷不能株守省垣楊霈昨奏已於二十七日拔營赴省諒已與會國藩塔齊布晤及應如何分兵前進如何留兵防守當已計議周妥楊霈所稱會同會國藩等各選精銳水陸下擊湖北善後事宜交臬司等妥辦似該督亦擬督師出境但此時黃州未復胡林翼尙在岳州會國藩等水陸大軍正在建瓴破竹之時萬難坐待省城布置完善再同該督前進且大江風信靡常逆蹤回竄固應嚴防卽崇陽等處餘匪抄襲我軍之後亦甚可慮自宜酌留大員督辦以爲大軍後路聲援若專委之臬司誠恐呼應不能甚靈著楊霈與會國藩塔齊布妥速商定卽行具奏會國藩以殺賊自

任必能謀定後戰計出萬全楊需遇事持重審度精詳諒不至孟浪同進致令楚境空虛也昨據塔齊布等奏有崇陽餘燼復合戕官踞城之語著楊需迅卽派兵前往撲滅並飭桂明督同許賡藻收復黃州等處城池果能一律肅清則桂明之兵卽可由黃梅廣濟一帶間道斜出仍與會國藩等會合庶英山太湖賊援亦斷皖城勦辦亦易得手總之江面必須急勦餘匪尤宜嚴搜沿江勦賊之事朕以責之會國藩塔齊布楚省防賊回竄及搜捕江北等處餘匪事宜朕以責之楊需該督等務當協力妥籌不可稍存大意卽官文意有所見亦可與楊需會商慎勿各存成見致悞事機欽此

咸豐四年九月奉

上諭軍機大臣等本日據楊需奏黃州府武昌縣均已收復會國藩塔齊布水陸之師已分起下行等語前此搜勦襄河賊匪會國藩奏稱細察大局尙有三端可慮當卽諭令早乘此機會謀定後戰誠以克復沿江諸城在此一舉必當計出萬全斷不可稍有挫衄現在黃州武昌次第收復我兵水陸並進其行抵何處及如何布置情形諒會國藩等必有奏報在途黃州賊匪水陸奔竄大冶蘄州興國一帶江面賊船聚泊尙多我兵乘勝追勦自必勢如破竹惟黃州而下卽係九江該郡久爲賊踞設再蔓延江省牽綴我師不能順流直下則勦辦又費周章會國藩等務當統籌全局一面迅速進兵潯江一面知會陳啟邁前後夾擊以期一鼓殲除毋留後患欽此

咸豐四年十月奉

上諭軍機大臣等會國藩等奏水陸剿賊一摺並片奏籌攻鐵鎖情形此次連克興國大冶兩城南岸賊巢已破而蘄州賊勢尙眾水師既經攻勦得手何以桂明陸路一軍未能趕到該提督所統兵勇較南岸能否得力前已有旨查詢且南軍攻逼緊急則該逆必伺隙北竄亦經朕早慮及此今覽所奏各情適與朕前旨相符會國藩經朕畀以勦賊重任事權不可不專自桂明以下文武各員均歸節制儻有不遵調遣或遷延畏葸貽誤事機者卽著該侍郎專銜參奏以肅戎行該逆現於田家鎮築城挖濠並於蘄州城外築壘安礮顯係欲圖久踞此時進勦之計自屬北重於南該侍郎等擬令南軍渡江會勦並籌攻田鎮對岸之半壁山設法毀賊鐵鎖卽著相機速辦仍嚴檄催提北路官兵協同圍剿一俟蘄州收復應如何分兵南下直擣九江安慶並著隨時體察情形統籌辦理以副委任欽此

咸豐四年十月奉

上諭軍機大臣等會國藩塔齊布奏南路陸軍斃賊萬餘斫斷江中鐵鎖並水師屢獲勝仗一摺覽奏稍慰朕懷此次我軍陸路奪取半壁山水師亦屢獲大勝逆賊不敢復窺南岸辦理甚爲得手惟蘄州之賊堅匿不出田鎮亦未克復北岸情形甚爲喫重北兵不甚得力究竟桂明一軍現在何處何以總未與南軍會合殊不可解前諭令楊需親督後軍前往接應此時是否已經啟程久未據奏會國藩等孤軍深入甚爲可慮著楊需迅速前進爲會國藩等

後路聲援不准稍有遷延致滋貽誤田鎮爲皖省門戶逆匪必圖久踞設此股賊匪不能迅速剿除則會國藩塔齊布兩軍爲其牽制不能乘勝下擊辦理又多棘手前此會國藩等奏北路兵勇未能會合夾擊當諭令會國藩節制諸軍如有不遵調遣貽誤事機者卽著專銜參辦乃此次桂明等仍未會合剿賊如不得力卽著會國藩嚴參懲辦此時江面已可漸就肅清務當乘此聲威迅調南兵渡江會剿剋日收復蘄州田鎮卽可分路直擣下游並隨時知照江西安徽水陸各軍互相策應毋失事機欽此

咸豐四年十月奉

上諭軍機大臣會國藩塔齊布奏大破田家鎮賊巢一摺覽奏欣慰此次燒毀賊船至四千餘號之多田鎮蘄州之賊潰敗奔竄皆由

該侍郎提督等籌畫盡心和衷共濟卽楊載福彭玉麟羅澤南等亦能人人用命制勝出奇朕心實深塵念現在水師前隊早抵九江該郡城外已無賊蹤大隊舟師自可順流下擣北岸之賊竄往廣濟黃梅一帶止係聞敗潰逃並未大受懲創北岸一軍係桂明統帶何以屢次奏報並未見其帶兵助剿卽扼堵蘄州之軍亦並無該提督在內究竟逗遛何處殊不可解魁玉楊昌泗等遇賊卽挫猶是從前孱弱積習如此軍威大振尙不能鼓舞奮興尤爲可恨今塔齊布已率羅澤南等渡江而北自係先其所急爲節節打通之計但廣濟黃梅直接皖境皖省西南一帶如潛山太湖等處皆爲賊踞一聞楚軍進剿勢必悉力抗拒若北岸一軍再有遷延必致塔齊布等後路無援殊爲可慮著會國藩等卽行嚴飭桂明

等迅速進剿一面飛咨楊需督兵繼進不得稍行觀望欽此

咸豐四年十一月奉

上諭軍機大臣等會國藩塔齊布奏官軍克復黃梅縣城並勦辦情形各一摺我軍克復廣濟之後於初四日收復黃梅是陸路一軍頗爲得手惟大股逆匪尙聚於孔壟驛小池口等處我軍水陸兩路聲勢未免隔絕况江西水師未能得力兩岸賊營甚多水陸抗拒會國藩水上一軍介處賊營之中情形頗覺危險據奏所慮各端甚爲周密此時自應於屢勝之後倍加慎重萬勿稍涉孟浪致誤事機儻將孔壟驛等處賊匪勦盡劄營江岸使水師與陸路互相聯絡然後相機進剿庶不致有顧此失彼之虞楊需現駐黃梅廣濟之閒卽應督飭魁玉楊昌泗等迅速進剿北岸一帶卽責成

該督實力攻勦俾塔齊布羅澤南等可以全師渡江爲圖攻九江之計若專恃該提督一人奔馳南北兩岸徒勞兵力更恐銳氣消磨於攻勦轉無裨益欽此

咸豐四年十二月奉

上諭軍機大臣等楊需會國藩塔齊布奏九江水陸獲勝各一摺楊需現駐廣濟卽著會合皖兵先取黃梅進取太湖宿松爲節節打通之計湖北本境仍應兼顧不但防賊回竄卽搜捕土匪安定人心亦關緊要小池口及田家鎮等處要隘有無防兵能否與南岸聯絡尤宜妥籌布置欽此

咸豐五年七月奉

上諭內閣官文奏勦辦蘄水賊匪獲勝等語湖北蘄水縣竹瓦店一

黃州府志 卷之四
帶有賊千餘由上巴河竄入滋擾經署麻城縣事蘄水縣知縣劉
繁派令兵勇迎勦至竹瓦店附近地方斃賊二十餘名賊即敗潰
我勇追殺將敗匪逼至渡口自相踐踏又斃賊三百餘名晁水渡
河淹斃者不計其數餘賊復集各路竄匪三千餘人在朱泗橋等
處築立土城抗拒官紳壯勇分投進勦復調羅田麻城等勇會合
分路直搗賊巢該匪傾巢出敵從九品李玉墀等首先戮斃黃馬
褂賊首二名紅衣賊多名眾賊退回我勇分投埋伏攻打登時躍
上北面土城殺入千總徐兆達等帶勇復由後路用礮轟倒土城
一座各兵勇乘勢夾攻槍礮齊施當將土城五座同時轟塌伏兵
齊出隘口截殺計斃賊約二千餘名生擒四十八名餘匪亂竄我
軍又追殺百餘名擊斃偽將軍卒長等多名奪獲軍械無算此次

勦辦蘄水縣竄匪屢戰屢捷各路官紳團練殺賊尙稱勇敢著該
督擇其尤爲出力及捐輸接濟紳勇人等查明請獎仍飭該地方
官紳嚴密堵剿搜捕竄匪毋任蔓延欽此

咸豐五年九月奉

上諭軍機大臣等據會國藩奏已革道員勦賊屢勝請令督辦皖楚
交界團練等語已革道員何桂珍於正月閒克復蘄水五月閒克
復英山復在羅田各屬疊獲勝仗堵剿尙屬認真已降旨將何桂
珍賞給六品頂戴其出力員弁紳勇准會國藩擇尤保奏現在皖
楚兩省軍務方殷其交界處所每爲兩省兵力所不及安徽之太
湖宿松英山霍山湖北之黃梅廣濟蘄水蘄州羅田麻城土匪蜂
起旋復旋失非有專責之員督辦團練嚴清土匪不能斷賊接濟

黃州府志 卷之四
之路既據會國藩奏何桂珍往來該處與各紳耆信義相孚頗資得力著卽飭令該員督辦各該屬團練將皖楚交界土匪次第剿除已復地方責令勸諭紳民同心固守未復地方並令設法收復遇有賊蹤上竄湖北亦可從後邀擊所需糧餉准其於各該屬勸捐動用如皖楚兩省稍有餘力仍著隨時接濟毋任饑疲潰散致誤事機至英山克復出力員弁前准和春等酌保著卽咨明會國藩與蘄水羅田各案一併保奏以歸畫一欽此

咸豐六年四月奉

上諭內閣官文奏截剿麻城新洲竄匪大獲勝仗一摺九江賊匪由黃州竄至新洲等處修築城壘四月初二日護軍參領舒保等督隊衝截卽將李家集地方賊匪衝散追殺三十餘里殲賊百餘名

初三日會合黃陂縣帶勇軍功周家治等各帶鄉團直抵柳子港營總多隆阿首先渡河委參領巴圖隆阿帶隊接應乘風縱火延燒賊營火藥賊眾驚潰軍功吳之傑伏勇突出殲斃賊匪無算生擒八十五名餘匪竄伏麥田均經搜殺無遺遂合隊進剿三店適麻城縣知縣劉繁自岐亭追至指揮馬隊及各縣鄉團層層圍逼盡力搜捕並生擒百餘名將土城木壘概行焚燬都司王玉琳探知新洲賊匪棄巢逃匿乘夜往追佐領密雅明阿追趕三十餘里擊斃賊匪三百餘名燒燬賊船數十隻舒保等帶隊追至團風地方逕撲賊巢燒燃囤糧房屋賊眾潰逃我兵分起沿河追殺溺斃賊匪六七百人窮搜伏匿餘賊將團風新洲賊壘次第削平初五日又有賊船五十餘隻上竄李光榮駛船追至陽邏把總陳占鼐

黃州府志卷之四
帶船設伏燒燬賊船五隻溺斃賊匪多名軍功葉占超指揮礮船衝出攔截復燒燬賊船十餘隻斃匪無數生擒十二名此次賊由九江黃州上竄經兵練奮力截剿殲擒殆盡辦尙爲得手所有黃州團練準與在事文武查明請獎欽此

咸豐六年五月奉

上諭內閣官文奏武漢水陸賊援剿除殆盡一摺武漢逆賊自新洲擊敗後仍復負固待援楊載福督帶礮船焚擊大勝直抵九江前經胡林翼奏報其另股賊匪數千由安徽突入英山縣城逕撲羅田署黃州府知府許賡藻等督帶紳練大敗賊於樂利河四月二十三日克復英山縣斃賊數百人奪獲器械無算由九江竄來股匪復合蘄州之賊併力上駛兵勇分投夾攻於巖家均地方殺斃

生擒者共計千餘人內有偽總制等十五名追至蘄州敗賊潰逃五月初八日大兵直抵西門橋環攻五顯廟轟倒卡牆卡內偽官逆賊悉被殲除該逆屢次來援隨處迎剿均獲勝仗賊勢已窮著官文胡林翼督飭水陸各軍合力齊攻以期迅克武漢毋稍延緩揀發遊擊玉山力戰捐軀深堪憫惻著交部從優議卹欽此

咸豐六年十月奉

上諭內閣胡林翼奏水師擊燬賊船直抵田鎮並咸甯剿賊大勝一摺九江安慶賊船陸續護糧上竄九月初五日總兵楊載福由沙口往剿追至蘄州開礮轟擊焚燬賊船七十餘隻蘄州城賊率眾出救楊載福復令陳金鼇王明山二營登岸誘敵令周清元丁泗濱二營從下游乘虛入城前後夾攻城外之賊大亂斃賊約五六

黃少卿
百名平賊壘三座我軍直抵田家鎮焚奪賊船八十三隻奪獲礮船四隻大小礮位二十尊輜重糧米盡被燒燬其咸甯之賊竄馬橋柏墩等處經典史黃鍾鳴擊退八月二十五日賊悉眾來犯至通山縣交界之小嶺黃鍾鳴督勇迎剿於三口界斃賊二百餘名生擒八十五名九月十五日賊繞道崇陽返竄丁泗橋黃鍾鳴率領把總唐明周得麟等星夜往剿斃賊二百餘名賊眾敗退黃鍾鳴收隊亟歸籌備守具賊偵知兵少即日直薄城下圍攻三晝夜城上槍礮齊發擊斃騎馬執旗賊數十人餘賊無算賊於十八日宵遁城圍立解黃鍾鳴率勇尾追各團聞信兜合又擒斬數百名奪獲旂幟刀矛多件雲夢縣典史代辦咸甯縣知縣黃鍾鳴殺賊守城奮勇出力著開缺以知縣留於湖北儘先補用監生黃守信

著以從九品留於湖北遇缺卽補均著賞戴藍翎把總唐明著以千總留於湖北儘先補用並賞加守備銜訓導蕭道鶴著賞加五品銜六品軍功鎮竟成王自新萬登梯勇目李永長李成珍黃金發李成珠丁昌禮吳全勝于在欽史家雲曹福臨廖文光張光球雷廷雲楊大焯游玉成樊世俊葉榮祥汪啓富李得勝瞿勝武張永福李隆興莫四進黃勝宏唐國良均著以外委留於湖北儘先補用並賞戴藍翎附生梅鳳藻著以訓導歸部選用監生丹必達著以未入流歸部選用附生盧定箴監生陳春藻童生鄭遠安均著以從九品歸部儘先選用從九品銜鄭德能著賞加六品銜陣亡把總周德麟著照例從優議卹軍功彭宏章著照外委例從優議卹該部知道欽此

咸豐六年十一月奉

上諭軍機大臣等據胡林翼馳奏十一月二十二日水陸大舉克復武昌省城覽奏欣慰已明降諭旨將胡林翼等分別加恩矣據摺內所敘有武漢同日克復之語諒官文當已奏報在途如果南北兩岸均已肅清所有水陸各營自當分撥進剿即已克之兩城亦應留兵防守胡林翼現擬派兵直下武昌縣及大冶興國等處並力勦蕪黃以期肅清全境當此聲威甚盛諒此等零星竄踞之賊不難剋日掃蕩從此建瓴東下江西安徽兩省均關長江大局究應先從何路進剿近日江西撫建兩府官兵連挫湖南兵勇雖已克復袁州而崇通一帶終未一律掃除今又聞義甯竄匪屯聚興國是江西待援情形實為喫緊著官文胡林翼迅速會商即將如

何分撥如何酌留之處妥籌具奏所有善後安撫事宜並著該督撫悉心酌辦欽此

咸豐六年十二月奉

上諭內閣胡林翼等奏追剿賊匪獲勝克復武昌縣黃州府二城一摺十一月二十三等日經該撫飭水陸各軍分三路進剿由密灣出東興州一路遊擊何紹彩等計殺賊四百餘名由鷄窩胡家墩一路遊擊張寅恭等計殺賊一千餘名由魯家巷繞葛店一路經李續賓督率馬隊迎頭截擊計斃賊一千餘名溺斃無算沿途搜殺及樊口賊爭先渡水燒斷浮橋又殲斃四百餘名淹斃無算賊又糾武昌縣城之賊意圖抗拒李續賓令知縣林之華等練勇造橋進攻楊載福水師適至遊擊李濟清首先焚奪賊舟用大礮

對壘轟擊並令水勇登岸噴筒火箭齊施由北門攀路而上李續賓率陸勇由西門殺入賊由東南門竄出適丁泗濱等礮船駛至對岸橫擊各勇追殺十餘里斃賊三百餘名奪獲大礮九尊馬八匹器械二百餘件克復武昌縣城楊載福先於二十四日將黃州城下賊船盡焚並破賊水壘四座李續賓令各軍伏於江邊賊突出二千餘人撲我水軍經伏勇衝擊都興阿馬步各軍亦同時掩擊斃賊無算又追殺二十餘里計共斃賊一千餘名奪獲礮位百餘尊騾馬四十餘匹器械無數卽將黃州府城克復餘匪竄逸經江夏縣團勇盡數殲除並生擒賊目辛成金等六名又據陸續獲到逸匪二百餘名均經訊明正法現在富新率馬隊東下窮追官文添撥馬隊渡江進剿李續賓進剿興國大冶楚境卽可一律

肅清著胡林翼等乘勝進攻殲除醜類勿留餘孽除李續賓富新二員業經加恩外其在事出力員弁著胡林翼查明奏請獎勵江夏縣民張國煜張國寶張國清張國瑞張國亮劉昌祺團練殺賊並獲賊渠均著賞給六品翎頂署武昌縣知縣林之華武昌汛把總儘先千總方寅山隨同殺賊克復縣城均著免其治罪仍革職留任以觀後效欽此

咸豐六年十二月奉

上諭內閣官文胡林翼奏水陸攻剿連獲大勝克復興國等四州縣並廣濟縣城等語湖北官軍自克復武昌縣黃州府二城後分路進剿楊岳斌水師連日轟燬巴河等處賊舟無數李續賓由武昌縣進取興國大冶或閒道襲剿或分路兜擊都興阿等由黃岡直

擣蕪州蕪水沿途斃賊甚眾於十一月二十六等日將興國大冶蕪州蕪水四屬先後克復其敗匪竄入廣濟等處又經都興阿多隆阿等於本月初一日斃賊千數百名初二日復分三路截斃騎馬悍賊十餘人賊眾敗竄我兵追殺二十餘里斃匪二千餘人生擒數百名奪獲騾馬旂械甚多是日官軍卽由廣濟縣曹家河分路追剿沿途又殺賊千餘名生擒偽指揮二人正法都興阿會督孔廣順等兵勇星夜直取廣濟城池當於初三日將該縣城克復現在官軍乘勝攻取黃梅仍著官文等迅飭水陸各軍奮力進攻將全楚各屬一律肅清毋稍遲延欽此

咸豐六年十二月奉

上諭軍機大臣等官文等奏官軍克復沿江州縣攻剿廣濟黃梅獲

勝並克復廣濟縣城各摺片覽奏均悉我兵沿江下剿旬日之內克復興國大冶蕪水蕪州四屬並將廣濟縣城攻克辦理尙屬得手惟該匪尙距黃梅孔隴驛小池口等處賊營二百餘里其勢尙張必須節節布置次第剿除以冀全楚肅清前因安徽江西兩省均關長江大局曾諭令官文等會商應由何路進兵本日據該大臣等奏稱俟黃梅廣濟得手力攻九江或全師由潯達皖或分兵會剿江西此時水陸大軍勢如破竹必應謀定後戰體察江皖兩省情形相機進攻務操勝算方爲妥善各處甫經收復尤須妥爲布置水陸兼防毋令該匪乘間上竄復蹈從前覆轍此次大軍東下是否胡林翼督兵在前官文在後路接應仍著妥籌具奏本日據給事中宗稷辰奏江西義甯州一路與崇通等處山徑可通距

武昌甚近亟宜掃除並稱道士泐田家鎮宜堅壘屯兵請飭胡林翼下圖九江未可局守自困等語嚴防崇通一帶並道士泐等處應否駐劄水軍前已諭令該大臣等籌辦仍著將該給事中所奏情形籌畫辦理原片鈔給閱看欽此

咸豐六年十二月奉

上諭前據官文奏官軍克復興國等四州縣並廣濟縣城乘勝攻取黃梅本日復據胡林翼奏收復興國大冶蘄州蘄水廣濟各州縣水師先攻九江焚奪賊船淨盡疊獲大勝官軍克復武昌縣及黃州府後李續賓等由黃州前進會合胡林翼營知府邢高魁等各軍進剿大冶直取興國並經胡林翼先行派令道員王鑫帶勇由通城崇陽進駐通山斷賊後路一律肅清李續賓遂乘勝會督馬

步各軍由江西瑞昌一帶追剿直達九江楊載福水軍亦由黃州進取蘄州分軍登陸攻城斬獲頗多遂復州城署蘄水縣知縣劉繁亦率紳士郭時郁等團勇同日將蘄水縣城收復水師並由武穴進剿廣濟縣屬龍坪等處賊船焚燬三十餘號一路直達九江城下賊帆林立並有對岸小池口停泊多船楊載福令丁泗濱萬化林等分頭攻擣擊斃淹斃之賊無數賊遂棄船奔入江岸賊壘我軍併力進攻賊又棄壘入城所有江面賊船除被焚燒不計外我軍奪獲長龍快蟹舢板等船五十餘隻此次湖北水陸各軍將沿江州縣迅速收復水師已達九江連獲大勝江面賊船盡行焚奪所辦甚屬得手楚境沿江業已肅清仍著官文胡林翼等督飭各軍迅即乘勝攻克九江府城以扼江面而圖進取此次出力員

黃州府志 卷之百
弁兵勇准其擇尤保奏候朕施恩欽此

咸豐六年十二月奉

上諭軍機大臣等官文胡林翼奏官軍克復黃梅縣城現仍嚴密防
剿一摺湖北上游各路敗匪盡竄黃梅縣唐家山孔隴驛小池口
等處賊營聯絡我軍水陸並進克復縣城事機順利辦理甚屬得
手惟該逆尙踞楚皖連界之福林子地方賊勢尙熾必須謀定後
戰爲一股殲除之計不可令敗竄餘匪抄我後路致有挫失小池
口賊壘與九江互爲犄角我軍蚤爲攻克則潯城不難克復現在
官文尙在漢陽胡林翼駐劄武昌辦理善後卽日移師東下該大
臣等何人前進何人留守地方著卽豫籌定議迅速奏聞總期步
步爲營將本境餘匪盡數掃除然後水陸進攻庶不致再蹈從前

覆轍諒該大臣等必能統籌全局相機布置也欽此

咸豐七年二月奉

上諭內閣官文胡林翼奏宿太賊匪上犯黃梅攻剿大獲勝仗一摺
安徽宿松太湖匪眾上竄黃梅縣地方經都興阿等各率兵勇紳
團迎擊斃賊數百賊目僞擣天侯陳玉成等糾黨四萬欲踞黃梅
縣城都興阿等以空城誘賊二月初三日逆眾分三路入犯因城
內空虛長驅直入各路騎馬賊不下千餘亦馳驟而至官軍分撥
馬步各隊槍箭齊施刀矛刺賊馬足立斃悍賊多名馬尾山桂家
畝之賊先敗王家河賊眾亦潰初四日代理黃梅縣知縣覃瀚元
等分南北兩路截剿署總兵王國才等由城西進擊城內老賊數
千抵死抗拒復有獨山鎮股匪五六千名抄我軍步隊之後營總

巴依爾呼蘭馬隊衝擊各軍馬步夾攻賊勢披靡立斃黃袍紫金冠騎賊十餘名陣斬悍賊數百名餘逆悉數逃竄官軍越嶺追剿共斃賊匪四千餘名奪獲馬驢數百匹偽印旂幟刀矛無算偽擣天侯陳姓及偽天王之壻鍾賊會賊均被殲斃剿辦甚爲得手所有此次攻剿援賊獲勝並小池口踏賊營壘出力員弁紳勇均著准其彙案保奏候朕施恩仍著官文胡林翼督飭在事文武水陸環攻務將小池口及九江郡城之賊趕緊攻克毋稍延緩欽此

咸豐七年四月奉

上諭內閣官文胡林翼奏官軍踏平小池口附近沿山賊壘連獲大勝各一摺九江對岸小池口下數十里之段窰楓樹坳獨山鎮地方先後添築賊壘數十座與小池口賊犄角抗拒三月初九日將

軍都興阿派翼長多隆阿率領馬隊各軍進剿段窰賊壘並令營總薩林等分路埋伏自督總管巴依爾呼蘭副將鮑超攻小池口賊分三路出撲經鮑超等奮勇擊退其分股往援段窰之賊亦經薩林等伏兵截殺斃賊無數多隆阿等直抵段窰賊眾迎拒營總密雅明阿等揮隊馳驟射斃騎馬賊目數名賊眾奔潰立將賊壘十餘座毀平追至八里江斃賊千數百名溺死者無算生擒十餘名十三日復由黃梅縣馳至安徽宿松縣屬之楓樹坳賊壘數里分路出拒多隆阿令副將王國才等亦分路進擊王國才復分兵繞出賊後擊斃守壘悍賊多名賊眾大亂巴依爾呼蘭等分投掩殺斬馘一千數百餘名生擒四十餘名當將楓樹坳賊壘焚毀遂於十五日夜乘勝馳至宿松縣屬之獨山鎮地方賊壘沿山七大

座深溝密樁多隆阿派兵分伏要隘提督孔廣順等輕騎誘賊賊果出敵時值月明伏兵齊起馬隊縱橫衝殺多隆阿令開化勇潛越賊濠拔椿登壘先將賊大壘一座焚燒餘壘賊皆驚竄我軍乘勢勦殺斃賊三千餘名追殺二十餘里逼水死者又千餘名獨山鎮賊壘亦悉數踏平此次勦平小池口附近賊壘追至宿松先後斬擒賊首萬餘級辦理甚屬得手著官文等卽飭帶兵各員乘茲銳氣迅克小池口並九江府城以遏賊衝所有出力員弁兵勇著官文胡林翼會同查明並歷次獲勝出力人等彙案保奏候朕施恩欽此

咸豐七年六月奉

上諭軍機大臣等官文胡林翼奏皖省賊匪傾巢竄至蘄水一摺安

徽逆匪裹脅宿太饑民數十萬由黃梅廣濟蘄州等處分路開道上竄楚軍分路抵禦擒斬逆匪已至盈萬無如賊勢太眾南勇失利軍壘全失退至蘄水胡林翼前往策應業經收拾隊伍分劄黃州湖北水陸各軍正在九江小池口圍攻喫緊之時今中路忽爲賊斷官文等已調李孟羣還攻蘄水擊賊尾路惟皖省賊氛尙熾李孟羣已抵英山若令折回恐蘄州更無援應本日已諭官文等毋庸將李孟羣一軍調回俾仍由英山前進節節勦洗以遏皖省賊勢但道路梗阻湖北不能接濟所有該藩司一軍饜精著福濟源源分撥毋令缺乏此次皖賊由宿太等處傾巢竄入楚境實因皖省無兵牽制致令該匪恣意上竄福濟鄭魁士坐擁重兵何得株守蘄州一籌莫展現在逆匪全力注意楚疆則皖境必有可乘

聖諭

四十七

之隙著福濟鄭魁士迅速出兵爲搗虛攻瑕之計毋得專待李孟羣救援致成坐困之勢欽此

咸豐七年六月奉

上諭軍機大臣等官文胡林翼奏賊匪傾巢上竄南勇敗退賊竄蘄水一摺據稱皖匪因年荒糧盡裹脅饑民數十萬由黃梅廣濟蘄州蘄水等處閒道上竄我兵分路堵擊殺賊萬餘南勇各營於蘄州之望天畷追賊遇伏營壘全失退至蘄水等語湖北爲上游扼要該逆意在必爭此次南勇敗退原因賊勢眾多所致惟該匪裹脅饑民不過烏合之眾似尙不難勦散現在胡林翼已抵黃州收集潰勇補製軍械著卽督率各路兵勇迅將上竄各匪分兵截勦毋令蔓延欽此

咸豐七年七月奉

上諭內閣官文胡林翼奏水陸各軍勦除下游賊壘疊獲勝仗一摺逆匪糾集大股於廣濟內湖童司牌一帶築壘抗拒六月二十四等日都興阿令孔廣順等移營前進楊福派都司胡友亮管帶舢板船繞入內湖賊匪全數出撲翼長多隆阿迎擊副將鮑超乘勝攻燬賊壘一座斃賊三百餘名賊被衝突奔逃復毀賊壘三座斃賊千餘名生擒三十餘名奪獲槍旂刀矛無數內湖水師轟燒賊船百餘隻奪獲二十餘隻李續賓由南岸進攻馬步隊截擊斃賊約四五百名水師復燒燬賊划百數十號該逆落水並被我兵追殺及投湖淹斃者計千數百名內斃偽先鋒檢點賊目十餘名生擒四十餘名正法奪獲礮位槍矛馬騾無數童司牌兩岸賊壘

悉數燬平我軍追殺十餘里斃賊數百名胡林翼督同唐訓方進
劄黃岡之傅家嶺賊匪分路偷撲我軍繞出賊後齊力追擊斃賊
百餘名擒斬長髮老賊六十餘名奪獲旂械多件此次剿除賊壘
疊獲大勝辦理尙爲得手著官文等乘此聲威迅掃逆氛毋留餘
孽欽此

咸豐七年八月奉

上諭內閣官文等奏黃州官軍移營進剿續獲大勝一摺黃州官軍
自剿除黃岡縣屬馬家河等處賊壘後旋即進駐蘄水水師各船
及胡林翼親督各兵復分劄蘭溪月山等處七月二十三日賊分
三路攻撲月山營盤候選知府李續宜督糧道唐訓方等分策各
軍嚴陣以待俟賊至山腳用礮轟擊團勇亦奮力齊進斃賊多名

餘賊敗竄胡林翼復督親兵與李續宜等兵會合分路夾擊直擣
賊巢火器齊發延燒賊壘六十三座焚殺及淹斃之賊五千餘名
馬步渡河追擊又連破賊壘偽城五座擒斬黃轎賊目偽檢點指
揮等三十四名二十四五六日我軍復於界嶺等處分路追剿賊
眾披靡又殲斃二千餘名此次移營進剿竄賊斬馘甚多著官文
等嚴飭帶兵將弁乘勝下勦節節掃蕩以期會合諸軍迅克九江
府城毋稍遲緩欽此

咸豐七年八月奉

上諭內閣官文等奏官軍掃蕩蘄黃賊巢攻拔小池口全楚肅清一
摺皖省逆匪分布蘄黃等處並於小池口築城與九江犄角下爲
皖匪聲援上圖窺伺武漢雖經官軍屢次攻擊疊受懲創該逆抗

黃州府志 卷之五
拒如故胡林翼親督所部各隊節節搜剿擒斬不可勝數八月初四日都興阿等挑選馬步各隊將黃梅後山一帶賊壘焚燬淨盡官兵四路衝擊轟斃及落河淹死之賊無算馬步各軍連夜追剿殺賊三千餘名生擒百餘名正法奪獲礮械多件復追至桂家阪渡河橋踏毀賊壘十餘座楊載福等水陸並進直逼小池口十三十四等日各營四面環攻該逆由城上暗施槍礮都興阿派馬隊施放火箭賊篷火起各勇奮力登城殲斃逆賊無算遂將小池口賊巢攻拔其逃竄餘匪復經巴克坦布等分路窮追至一百八十里斬殺殆盡全楚境地一律肅清剿辦甚屬得手著官文等督飭在事文武乘此聲威攻克九江並分兵追剿逃竄宿太股匪以期迅掃餘逆疏通江路所有此次出力員弁兵勇著准其擇尤保

奏候朕施恩欽此

咸豐八年四月奉

上諭內閣官文等奏攻剿麻城賊匪大獲勝仗一摺安徽大股逆匪竄陷湖北麻城縣城經官文等調派官兵馳往剿辦四月初二日副將張文煥等進攻各門賊壘舒保自率馬隊往來策應該逆率眾抗拒官軍極力勦殺連斃悍賊百餘賊敗入壘兵勇奮臂直前力攻三時踏破北路賊壘殺賊一千數百名復乘勝攻破東路賊壘殺賊千餘名西路官兵聞東北兩路得手愈攻愈力都司謝國俊等首先登壘各勇衝入立將西路賊壘焚燬殺斃賊匪二千名餘賊奔赴南門守壘副將張文煥大呼先登各弁勇一齊擁入擒斬悍賊千餘南路賊壘一律毀平統計是日殺賊五千數百名生

擒七百餘名並偽總制偽將軍等二十三名奪獲大小礮九尊旂械無數勦辦甚屬得手著官文等督飭舒保等激勵士卒乘勝迅克縣城盡殲醜類欽此

咸豐八年五月奉

上諭內閣官文等奏皖賊竄入黃安攻勦獲勝一摺皖省賊匪由河南光山等處竄入黃安李續宜隨同舒保帶領兵勇前往援應賊眾蜂擁來撲官軍齊出奮擊斬馘二百餘名舒保督同副將趙克彰等分路抄擊賊眾大敗官軍追至城下踏破賊壘五座斬擒無算著卽督飭將弁迅速進攻克復城池毋稍延緩欽此

咸豐八年五月奉

上諭內閣官文等奏官軍連克縣城越境追勦一摺皖匪竄踞湖北

麻城另股竄入黃安經布政使李續賓馳抵黃安督勦四月二十八日進攻北門該逆抵死抗拒官軍槍礮齊施斃賊一百餘名毀平四壘五月初一等日各營過河分布城外四面環攻大股賊匪出撲馬步兵勇橫衝截殺逼至麥田之中伏兵齊起槍礮如雷賊遂大潰馬陣縱橫衝截斃賊一千數百名生擒一百餘名並殲斃偽丞相偽先鋒偽檢點指揮司馬等數十名乘夜開北門逃竄李續賓率各營伏兵截殺多名追奔四五里舒保何忠駿跟追三十餘里殺賊無算至殷家河又截殺數百名遂將縣城收復麻城之賊亦於初四日夜聞不戰而遁道員李續宜副將鮑超率馬步隊日夜窮追沿途計殺斃三千餘名勦辦甚屬妥速著李續宜乘勝追勦節節掃蕩以期肅清皖豫所有此次克復縣城及追勦出力

員弁兵勇著官文等擇尤保奏候朕施恩欽此

咸豐八年五月奉

上諭內閣官文都興阿胡林翼奏安慶等處賊匪竄犯蘄州截擊獲勝一摺皖省太湖之賊圖撲蘄州經糧道唐訓方擊退後該逆復由安慶英山糾集二萬餘人至彌陀寺等地方築壘五月初八日分三股來撲唐訓方等亦分三路截剿中路之賊先潰右路之賊屯聚山岡被誘下撲悉被殲斬兵勇即乘勝攻其左路逆賊四散奔逃官軍窮追數十里將所築營壘十餘座悉數焚燬先後陣斃偽將軍三名偽檢點總制各一名餘賊數千名生擒四十二名墜巖溺水者不可數計十三日該逆復以五六千人來犯被擊敗退殲斃悍賊數十人生擒三人墜巖落湖者復數百人該將弁等於

賊眾來犯以少勝多實屬奮勉出力儘先守備李東山著以都司儘先補用把總浦本祥著以千總儘先補用並賞加守備銜勇丁王友生著以千總儘先補用其餘出力將士著官文等查明保奏欽此

咸豐八年五月奉

上諭內閣官文胡林翼奏查明被擾被旱州縣懇恩豁免錢糧等項一摺湖北武昌咸甯等州縣於咸豐五年春被賊竄擾農民蕩析離居不遑耕作六年夏間復因雨澤稀少有種無收錢漕銀米雜項等稅課均未開徵若僅分別蠲緩以蠲贖銀米分年帶徵民力仍形拮据加恩著照所請所有武昌府屬之武昌咸甯嘉魚蒲圻崇陽通城興國大冶通山黃州府屬之黃岡蘄水蘄州黃梅廣濟

等十四州縣咸豐六年分錢糧漕米南米蘆課雜稅等項並屯坐各該衛屯饗錢糧武昌漢陽黃州三府應徵湖課房稅商稅船牙當稅南北乾魚府鈔等銀均著免勘成災分數一律全行豁免以紓民力該督等卽刊刻謄黃遍行曉諭務使實惠均霑毋任吏胥舞弊以副朕軫念民依至意餘著照所議辦理該部知道欽此

咸豐八年十一月奉

上諭內閣官文奏查明黃州府屬各州縣被擾請分別豁免蠲緩錢糧南米雜稅一摺咸豐七年夏閒及本年春閒皖匪上犯湖北蕪黃麻城等處府屬居民被匪蹂躪遷徙流離若將錢糧等項照常徵收民力實有未逮加恩著照所請所有廣濟縣被擾最重之太東等三鄉應徵七年地丁錢糧南米蘆課雜稅等項著不計災分

全予豁免被擾次重之童司牌應徵七年錢糧南米著緩至八年秋後限一年帶徵黃梅縣被擾較重之金林等十二鎮應徵七年錢糧南米等項著蠲免十分之四蠲贖銀米分作三年帶徵東山等十鎮應徵七年錢糧南米著蠲免十分之二蠲贖銀米分作二年帶徵被擾次重之太白等十三鎮應徵七年錢糧雜稅等項著緩至八年秋後限一年帶徵羅田縣被擾次重之栗子均等六十八區應徵七年錢糧南米雜稅等項著緩至八年秋後限一年帶徵以紓民力該督卽刊刻謄黃徧行曉諭務使實惠均霑毋任吏胥舞弊以副朕軫念民依至意餘著照所議辦理該部知道欽此

咸豐八年十一月奉

上諭內閣官文奏勘明黃梅縣地方被擾請將漕糧緩徵一摺湖北

省黃梅縣上年被賊滋擾情形較重應徵漕米無力完納自應量予恩施以紓民力加恩著照所請所有黃梅縣金林等十二鎮未完七年漕糧著緩至八年秋後分三年帶徵其有應行帶徵六年漕糧照例遞展該督卽刊刻謄黃遍行曉諭務使實惠均霑毋任吏胥舞弊以副朕軫念民依至意該部知道欽此

咸豐八年十二月奉

上諭軍機大臣等據都興阿奏移營進規太湖分路布置情形一摺復據奏現患骸疾請賞假調理已降旨賞假一箇月矣該將軍現派各軍責成記名副都統多隆阿統帶移營前進並由官文檄調九江防兵移劄黃梅飭令李續宜添調四營前往下游兵力已不爲單薄惟都興阿告假在營調理雖有多隆阿爲前敵而後路尙

無大員總統調度胡林翼到省後已馳往黃州著卽申明紀律調度各軍仍以多隆阿爲前敵督飭李續宜等體察情形節節進剿胡林翼應否督兵前進著與官文會商辦理儻因兵力不敷卽著官文酌量調派爲進兵圖皖之計不致遲誤事機是爲至要將此由六百里諭令知之欽此

咸豐十年十一月奉

上諭內閣官文奏請將架詞捏控之棍徒嚴懲等語據稱湖北近有刁惡棍徒或因訛詐不遂或因挾嫌報復往往指名捏控誣以謀逆從賊羅織多人挾制官吏如麻城縣民人鄧旺銀等京控各案均係有心誣陷捏詞控訴業於訊明後照例嚴辦以遏刁風各省被陷地方經官軍收復之後其被脅良民並非甘心從逆者原准

免其治罪其困守本境不肯逃亡者較之被脅之民情更可原決無反予苛求之理似此刁徒詭索架詞誣累實爲良善之害亟應嚴行懲辦嗣後湖北京控案件遇有執持逆匪僞據捏詞控告者著都察院步軍統領衙門即將該原告連所遞呈詞等件一併交該部遞解回籍查明有無在本省上控案據分別立案不行並加等治以越訴誣告之罪以儆效尤至他省有赴京向該衙門等呈控事關重大者仍著隨時具奏欽此

咸豐十一年二月奉

上諭軍機大臣本日據官文奏皖省逆匪由英霍竄擾黃州現籌堵剿情形一摺皖逆陳玉成因楚軍全力謀皖省會空虛句結捻匪十數萬自英山霍山北路竄越楚境於二月初七日竄於蘄水初

八日賊分三路已竄黃郡距省城僅百餘里賊蹤剽疾異常情形實爲緊迫官文現在親督存城馬步官兵扼駐省外要隘並督帶水師礮船嚴防江岸已飛咨駱秉章暫將入川兵勇馳赴鄂省一面飛調荊州襄陽滿漢官兵來省痛剿所籌均尙周密該大臣卽先就現有兵力分撥布置嚴密守禦並飛催李續宜舒保馬步官兵迎頭截剿毋稍延緩胡林翼現在太湖爲桐城諸軍後路援應此時賊由英霍竄至黃州省城兵力尙單防務喫緊自應先其所急著該撫迅卽派撥精兵協同堵剿以期痛殲醜類駱秉章現已起程由水道入川計已行抵湖北著卽與官文會商如省城布置周密卽統率所部馳赴蘄黃一帶會合湖北各軍將此股逆匪併力剿洗迅掃逆氛俟該省軍情稍鬆再行帶兵赴蜀欽此

咸豐十一年三月奉

上諭軍機大臣等前據官文奏皖逆竄擾黃州當諭令官文飛催李續宜舒保所帶官兵迎頭截擊並令胡林翼派兵協剿駱秉章赴川兵勇馳赴蕪黃一帶會合各軍剿辦本日據李續宜奏皖逆糾合大股捻匪由英霍上犯鄂邊已於二月初六日由青草隔率全軍而上六安壽州一帶勢難兼顧等語逆賊上犯楚疆勢極剽疾胡林翼力守太湖因病未能督隊李續宜自能先其所急力保根本官文現調荆襄滿漢官兵赴省又有駱秉章一軍及李續宜所帶馬步各隊兵力已厚前截後追此股逆匪諒不難悉數殲除省垣稍有疏虞惟官文是問若不能繞擊徒事尾追惟李續宜是問一俟鄂省軍情稍鬆李續宜即督帶所部馳赴壽州妥籌兼顧以

便翁同書交卸起程前諭官文胡林翼調兵二千名駐劄三河尖此時兵力如何分撥仍著該大臣等酌量撥往以壯皖北聲勢六安壽州兩城已諭袁甲三翁同書妥爲布置矣欽此

咸豐十一年三月奉

上諭內閣官文胡林翼奏查明將弁功罪分別懲勸一摺粵逆陳玉成糾合捻逆竄擾湖北羅田松子關經副將成大吉分路進剿斃賊四千餘名連日賊分五路來犯復經官軍痛剿殺斃擒首龔瞎子並伏兵追擊餘逆從關外逃竄副將成大吉以少擊眾殲除大憝厥功甚偉副將余際昌等分防霍山不能堅守待援致令逆匪闖入黃州自應分別功罪以示勸懲記名總兵副將成大吉著賞加提督銜副將張運馥保升副將參將王名潛胡以章均著賞加

總兵銜保升遊擊都司曾昭仕著免補遊擊以參將儘先補用副將余際昌參將楊飛雄都司浦本祥李殿元均著革職留於軍營效力以觀後效陣亡都司尹奉日外委歐正亭軍功楊福堂龍得祥黃玉魁王先道殷邦明張唐文曾昭松胡大貴李學山常科名段春發劉有勝李衍堂楊復興均著交部從優議卹以慰忠魂欽此

咸豐十一年九月奉

上諭內閣官文等奏官軍克復黃州府城等語逆匪竄踞湖北黃州府城負隅固守經官文等調派李續燾等及彭玉麟水陸並進相機攻剿並經多隆阿統帶馬步全隊由蘄水會剿下游敗匪以截逆援八月二十三日我軍設計誘賊出城奮力衝擊賊尸遍野其

逃奔三台河渡江者復被水師截殺殆盡我軍遂攻入城中搜殺餘匪當於二十四日將黃州府城克復著官文等督飭各軍跟蹤進剿務期盡殲醜類毋留遺孽其在事出力人員並著查明保奏候朕施恩欽此

同治元年八月奉

上諭議政王軍機大臣等勝保奏陝回披猖剋日馳抵潼關相機剿辦暨官文等奏援軍赴陝留兵防守蘄黃襄郡各摺片南陽竄匪仍在鎮平一帶盤踞多隆阿現由南陽前進正可探蹤迎剿務將醜類悉數殲除俾不得西竄陝境與回匪勾結則勝保入關之軍可無腹背受敵之慮鄂省援軍四出各處毗連地方亦須防範周密官文請以何紹彩所部駐守荆子關屏蔽三省並為各軍後路

黃州府志 卷之百
接應襄陽靳黃留金國琛等軍防守不能入陝卽照所擬妥爲辦理並飭周鳳山歐陽正埔等軍將信陽等處匪巢迅掃以通驛路
欽此

同治元年九月奉

上諭議政王軍機大臣等官文嚴樹森奏鄰寇環逼鄂省兵力不敷請飭多隆阿回援一摺該省猝被賊擾股匪甚多兵勇分路防剿幾有應接不暇之勢官文等現已咨行多隆阿剋期督兵回援鄂省第陝省回匪蔓延甚廣曾經諭令該將軍移師援陝勢難令其折回楚省往返奔馳曠廢時日致陝楚軍務兩皆耽延多隆阿前派穆圖善一軍赴鄂援剿若未能遽撤赴陝不妨暫留楚省至鄂省尙有李續燾一軍可由豫省調回截剿先顧本省並著毛鴻賓

趕緊將楚南勁旅挑選數千名遴派得力鎮將管帶剋日馳援鄂省官文等惟當將所調穆正春等各路之軍飛催前進就現有兵力嚴密堵剿毋任賊匪南窺省垣東竄皖境是爲至要正在寄諭閒續據官文等馳奏攻克應城賊匪竄陷孝感立時擊退情形一摺賊蹤飄忽靡定意在由楚回皖歸併金陵該督等現飭舒保等馬隊並副將藍斯明等軍併力合剿卽著督令該將士等扼要截擊務令就地殲除毋令回竄皖境黃安麻城一帶陸路空虛固應嚴防武漢黃三郡沿江一帶水路尤應嚴密扼守漢口至黃州一路商民船隻均須先期提歸南岸毋令賊匪擄掠縱橫江面致剿辦益形費手欽此

同治二年二月奉

聖諭

五十九

上諭議政王軍機大臣等李鴻章奏籌備京米情形一摺前因戶部
奏請籌款由江蘇省購運商米以實倉儲當經諭令李鴻章趕緊
購買陸續運津茲據該撫奏稱現擬責成商人分赴湖廣等處採
辦並設局勸辦各等語江蘇省各府縣產米不敷民食向賴湖廣
等省商賈販運近來米商斷絕採購維艱自係實情卽著照該撫
所議責成商人分赴湖廣江北一帶採辦由該商承運赴津交兌
著官文等查照遇有採辦京米商船過境其關稅釐捐概予寬免
驗明有無應完他稅分別放行毋許留難以示體恤李鴻章另片
奏請飭湖廣江西採辦米石從漕折內開支等語漕糧改徵本色
及採辦米石運京前經戶部奏咨湖廣等省遵辦旋據官文等以
事多窒礙奏請停止茲據李鴻章奏請飭湖廣等省酌提漕折採

辦米石解至安慶大通一帶由曾國藩添委員督同照料仿拖帶
鹽船之法附輪船拖過金陵駛至上海比照海運章程勸令沙衛
各船陸續運津其由滬接運放洋時由李鴻章妥籌辦理湖廣江
西等省距安慶尚不甚遠既不若解滬解京長途阻隔而以輪船
護送亦非冒險挽運事屬可行所有湖北之武昌漢陽荊州襄陽
黃州等府湖南之長沙衡州澧州岳州等府州江西之南昌瑞州
臨江吉安撫州建昌等府均堪採辦著官文嚴樹森毛鴻賓沈葆
楨飭令該藩司糧道等體察情形責成各該州縣動用漕折採辦
米石各視漕折舊額或二三成酌加運費折耗派員按照前法辦
理如此沿江轉運聯爲一氣於京倉必當大有裨益不至支絀爲
患欽此

同治二年三月奉

上諭議政王軍機大臣等官文等奏皖豫股捻闖入鄂疆逼近武漢調兵進剿一摺此次捻首陳大澐等句合亳捻由羅山新息竄至麻城現竄踞白果鎮該處距黃州甚近官文等已調派穆正春等移劄舊街沙河等處並調周鳳山舒保等馬步各軍及沿江水師分投巡防辦理均尙周妥該逆陳大澐等人眾雖多而屢經挫敗已失巢穴毫無巢可歸官文等所調各軍均係鄂省得力之將卽著嚴飭各軍實力兜剿余際昌一軍已至兩路口並著張之萬毛昶熙飭令會同楚軍合力攻剿盡殲醜類此股捻逆久爲豫患豫軍旣未能殲除已至闌入鄂疆同爲兩省邊患自當不分畛域若豫省再不能遏堵復令回竄迄無了期則豫軍之咎更重務

當趁此該逆離巢之際與楚軍和衷商酌悉數殲除永除後患官文等亦當同心討賊不得以驅賊出境卽爲了事嚴樹森著俟捻逆剿除後再行酌量情形馳赴上巴河察看軍情此時卽無庸出省其武漢防堵事宜並著官文等妥籌辦理毋稍疏懈欽此

同治二年三月奉

上諭議政王軍機大臣等嚴樹森奏皖豫捻逆竄向東南追剿情形並駐劄黃州就近調度一摺捻逆陳大澐等由豫省竄擾光山擾及麻城之白果鎮等處經官文等調派總兵穆正春等進剿該匪折向東南意圖襲取上巴河營壘經穆正春先期馳抵該處將撲營之賊擊退該逆現踞竹瓦店但店等處嚴樹森現已帶兵出省馳抵黃州之團風鎮扼劄就近調度著官文嚴樹森卽飭舒保成

大吉等痛加遏剿以收夾擊之效現在賊勢偏近黃州雖距武漢較遠而與皖省潛江太湖一帶壤地相連深慮該逆蓄意東趨與巢含和一帶髮逆互相勾結嚴樹森務當督飭諸軍繞出賊前迎頭截剿毋得任賊竄入皖境致滋蔓延並著唐訓方選派兵勇激勵鄉團於交界地方嚴密堵遏毋令賊蹤闖入皖境欽此

同治二年四月奉

上諭議政王軍機大臣等官文嚴樹森奏官軍剿辦捻匪情形及抽派郎中李雲麟率師援陝各一摺捻逆竄擾鄂境經嚴樹森駐劄團風鎮調派各軍分路擊剿先後在望花東界嶺及游河嘴栗子灣等處獲勝頗有斬擒而該逆東奔西突總未大受懲創昨據曾國藩奏鄂東捻匪於蘄水分爲兩股一股回竄黃州一股竄入桐

舒與髮逆聯合該逆黨羽雖眾已分股下竄其在鄂境遊弋者勢倏諒已稍衰亟應乘勢剿滅著該大臣等嚴飭各營將弁併力兜剿務將此股竄匪就地殲除毋得觀望遷延致干重咎陝南郡縣匪徒麇集若不迅圖剿滅不獨西安省垣可慮卽川楚邊陲亦無安謐之日官文等現飭李雲麟率所部三千餘人由鄖陽渡漢而南著卽飭令該員剋期進剿漢中待援孔亟毋得駐守興安城內致誤事機欽此

同治三年六月奉

上諭議政王軍機大臣等官文奏賊趨麻城黃岡派兵會剿擬卽赴黃州督師曾國藩奏覆陳近日軍情各一摺逆匪不得逞志於漢口分股向東北斜趨官文飭富森保等各軍分投截擊黃安黃陂

之賊分竄麻城之岐亭等處捻逆亦分股由黃陂所屬之油榨河竄入羅山縣屬之仙花地方又黃安北路之賊分股竄至光山縣屬之薊家河等處成大吉等現將新洲及辛家衝併力攻克水師礮船在黃岡縣境剿退賊匪官文擬即移營駐劄黃州著即趕緊馳赴黃州督飭成大吉等馬步水陸各軍認真剿辦將黃麻一帶逆匪悉數殄除毋任蔓延他處蘄水等處即責令梁洪勝等實力固守毋任竄突該逆未嘗一日忘援金陵其停頓不即東趨必係探聽皖省下游信息欲以捻逆牽掣上游便可遂其豕突狼奔之計僧格林沁現已移劄光州蘇克金等馬隊皆在豫境著即飭令該員等將光羅各境竄匪迅速剿除並嚴防楚匪東竄皖境張之萬當嚴飭各郡縣慎固封守毋令賊再闌入應如何添兵會剿之

處著與僧格林沁會商妥辦皖北之防喬松年須振刷精神豫爲戒備毋徒恃其不來或致臨事掣肘曾國藩現調周寬世一軍移赴皖北並因黃麻距皖較近列城空虛可慮令陳國瑞駐劄壽州該處爲淮南江北適中之地有此勁旅兼可爲廬壽舒六等處遊擊之師所籌均妥著即飛飭該員等迅速到防毋稍延誤金陵之賊飛走技窮著曾國藩隨時督同曾國荃相機進剿周歷巡防該處城池雖高且堅但使眞能斷其接濟外援不來內賊不出又寬爲收撫脅從播散告示俾令傳入賊中以破其固結之謀不久定能蕺事該大臣等其慎勉圖之以副企望欽此

同治三年六月奉

上諭議政王軍機大臣等張之萬奏豫軍追賊入楚調回一軍扼守

光固並裁勇練兵各一摺髮捻竄擾光山等處經副將徐連陞等督率兵勇分投剿洗該匪避兵遠颺悉向黃安黃岡一帶竄去張之萬現派徐連陞色爾固善張曜等軍盡赴東路聽候僧格林沁調遣卽著僧格林沁嚴飭各軍出境追躡會合楚師兩面夾擊務將此股巨匪悉數殄除毋留餘孽黃州水路布置前據官文奏已派梁洪勝等營及丁長春等礮船前往扼守此時該郡徧地賊蹤官文務當嚴飭各營實力迎剿痛掃狂氛毋令蔓延爲患豫軍追賊入楚豫南門戶空虚張之萬現擬於赴楚各隊內抽調一軍駐劄光固防賊回竄所籌尙是卽著該撫函商僧格林沁斟酌妥辦欽此

同治三年六月奉

上諭議政王軍機大臣等官文奏官軍會剿逆匪疊獲勝仗並派兵馳援麻城一摺髮捻各逆趨集黃麻一帶復糾眾回竄盤踞柳林舊街等處經成大吉石清吉等軍分路剿擊將辛家衝柳林舊街之賊追殺數十里迭有斬馘惟陳得才大股尙踞麻城白杲沙河等處麻城之圍未解亟宜併力掃蕩著官文飭令成大吉石清吉等營迅將白杲等處之賊痛加剿洗毋任蔓延麻城賊氛四逼城中無糧甚形危急周鳳山楊朝林等援軍並著催令迅解城圍不得稍有疏失前據張之萬奏豫省光山等處之賊已竄黃安黃岡一帶是豫邊情形稍鬆僧格林沁現劄光山蘇克金等馬隊已至光麻之交若橫出與楚軍會剿自更得手著僧格林沁卽飭蘇克金等聯絡夾擊並遵前旨飭張曜色爾固善等軍出境追躡與鄂

軍四面兜圍務期盡殲醜類痛殄狂氛第賊勢注意東趨蘄水之雲路口已有梁洪勝五營繞前扼截該逆不能逞志恐其由麻城直趨皖境僧格林沁官文尤當分飭各軍一面迎頭攔截毋得徒事尾追致賊蹤蔓及皖境其姜玉順蕭河清藍斯明等軍已先後馳抵樊城鄂省兵力不爲不厚現在分別遣留自己就緒卽著催令徑赴黃州麻城一帶會同成大吉等併力進取以期厚集毋稍宕延官文俟遣撤勇丁整頓營務辦有眉目卽遵前旨移劄黃州以資調度欽此

同治三年六月奉

上諭議政王軍機大臣等本日據官文會國藩由六百里加緊馳奏克復江甯全股悍賊悉數殲滅一摺各路賊匪皆視金陵爲趨向

此時巢穴既覆則其餘竄逸之賊自必聞風喪膽僧格林沁現已移劄光州官文度亦進至黃州卽著妥籌會剿督率官軍將麻黃一帶賊氛乘勝掃蕩悉行殄滅毋令竄突欽此

同治三年八月奉

上諭議政王軍機大臣等官文奏攻克白果髮捻分股奔竄官軍跟蹤追擊並各路堵剿情形一摺成大吉姜玉順等克粉壁學銀家官塘等賊壘後直擣白果追剿兩晝夜斬殺甚多現在髮捻各逆如游魂無歸分路狂奔尙無定向東竄之賊將與蘄水羅田踞匪合夥西竄之賊已由料棚竄新集距光山不遠大股仍麇聚黃安牽制楚師官文已令楊朝林等分道追擊並飛咨僧格林沁截剿著官文嚴飭各路將領無分漏夜盡力追蹤兜截毋任再有延蔓

僧格林沁駐軍光州諒該逆不能偷越著卽偵賊所向派兵兜剿勿任竄入皖豫境內麻城北路賊匪著僧格林沁督飭馬步各軍認真剿洗近日軍情並著隨時馳奏以慰廛系其分股竄撲黃安之賊業經官紳擊退蕪水之賊擾六神港又由西岸竄陳家灣等處經張啟基礮船擊敗匪向殷家衝山後而遁此股逆匪現竄何處並著官文查明下落飭令在防將士會同地方文武迅圖撲滅以收廓清之效蕪水羅田等處之賊趨豫入皖蹤迹不定著喬松年張之萬懍遵初四日諭旨整飭防軍會合楚軍前後夾擊儻令深入定惟該撫等是問汝正新息餘匪未靖毛昶熙當會同張之萬督軍認真搜捕不得少留餘孽致貽後患欽此

同治三年九月奉

上諭議政王軍機大臣等喬松年奏英霍逆匪被剿西竄現籌剿辦情形一摺逆匪竄聚英霍一帶圍攻蔣凝學之軍並分擾至潛山邊境經蔣凝學督軍苦戰屢挫凶鋒復經英翰郭寶昌儘力追剿該匪遂退竄蘄羅一帶蔣凝學乘勝尾追斬擒甚眾現在未可遽令赴鄂其英霍交界卽著飭令英翰扼要駐劄妥籌援應及六安流波疇一帶仍著責令張得勝認真防守與英翰等聯絡聲勢嚴密戒備曾國藩前派之劉連捷朱洪章朱南桂等軍及續派之李榕王可勝何紹彩等軍計已到皖此時英霍已無賊蹤自應越境進剿卽著曾國藩喬松年飭令拔隊赴鄂會合楚師兩面夾擊盡殄賊氛曾國藩現赴江甯距英霍一帶較遠若派出諸軍悉由曾國藩調度軍情旦夕變遷千里請戰深恐緩不濟急所有劉連捷

黃州府志卷之百
等軍已抵皖境以後一切進剿機宜即可由喬松年斟酌調派以期毋誤事機蘄羅等處賊氛麇集官文當懷遵前旨督飭在事將弁實力扼剿並飛調劉連捷等軍追擊僧格林沁之軍如已到麻城並著相機會剿以資厚集欽此

同治三年十月奉

上諭議政王軍機大臣等僧格林沁奏督軍進剿西竄股匪偪賊東趨官文奏髮捻東趨與蘄水之賊句合現籌辦情形各一招逆匪盤踞新店雙山門等處經陳國瑞等軍擊敗遁入楚疆僧格林沁進劄商城而捻匪張總愚率眾回竄官軍敗之於木子店復向西南白杲一帶狂奔陳國瑞姜玉順等督軍扼剿疊有斬擒該逆已東竄上巴河蘄水一帶與下游大股髮捻句合是楚北西路可保

無虞而逆勢既歸併一處則下游倍形喫重皖楚之交山重水複馬隊萬難施展著官文卽飭姜玉順蕭河清等軍銳意東行會合成大吉之軍內外夾擊務將此股賊匪就地殲除毋任再行西竄其劉連捷一軍並著官文飛檄催提飭令自東而西與鄂軍兩面兜圍大彰捷伐成保陳國瑞扼劄羅田遏賊西北竄路李濟清等水師嚴扼辛家衝一帶以防搶渡卽著僧格林沁官文分飭各軍嚴密堵禦以備抄擊僧格林沁現已移營黃岡之上巴河擬俟賊蹤竄近平原督率馬隊追擊該大臣惟當穩慎進取毋稍疏虞欽此

同治三年十月奉

上諭議政王軍機大臣等僧格林沁等奏陸路賊匪由廣濟上竄督

師追剿一摺逆匪分股一由張家塆陳德園潰走一由蘄州廣濟奔逃疊經官軍追剿該逆以一股牽制我軍分股由廣濟翻山繞越蘄州濱湖一帶上竄經譚仁芳等截殺隨由棗茨嶺逸入上下巴河等處旋由黃岡麻城直趨岐亭新州各路上竄黃陂官文現派常星阿等趕赴上游節節追剿並令喜昌等分防漢口等處著官文檄飭派出各軍實力嚴防扼要駐劄相機辦務期一鼓殲除毋得稍涉疏懈欽此

同治四年十一月奉

上諭軍機大臣等前據吳昌壽奏稱捻蹤由襄城葉縣擾及舞陽後股由臨潁鄆城竄至西平遂平等處當經諭令官文鄭敦謹飭令防邊各軍越境赴豫迎擊茲據官文等奏稱賊蹤西竄召魯嚴飭

諸軍夾擊一摺所陳情形尙在吳昌壽奏報以前現在賊匪既已繞竄舞陽後股又由徐州歸德一帶西竄鄆城西平遂平等一帶與張總愚前股合併勢益張湖北應山黃安麻城等縣距賊較近該逆有欲往湖北擄糧之說尤應防其竄入惟近防不如遠剿與其株守本境不如越境赴豫迎擊著懷遵前次諭旨嚴檄成大吉駐劄麻羅之軍越境迎剿與吳昌壽所派各軍會合夾擊姜玉順等軍由西路轉向東北探賊所向與豫軍兩面夾攻以期速殄狂氛鄂省近來辦理會剿頗形遲滯官文鄭敦謹務當振刷精神實力整頓不可徒事敷衍有名無實致干咎戾姜玉順等軍既經赴豫援剿距鄂較遠所有進止機宜卽著由吳昌壽節制調遣以一事權安襄鄖漢黃德等府屬團練卽著官文等飭令唐協和悉心

貴州府志 卷之百
經理務臻妥善欽此

同治四年十一月奉

上諭軍機大臣等吳昌壽奏髮捻各逆分竄豫楚官軍分途追剿情形一摺賴牛等股匪由西平等處奔竄經蔣希夷督兵在西平之觀音堂洪橋口將該匪擊敗並於遂平上蔡等處連次獲勝賊匪奔竄確山掠及汝甯一帶其由裕州擾及唐縣之張總愚股匪經統帶鄂軍之總兵劉維楨設伏擊敗擒斬逆首之弟張宗志姜玉順復敗之於鄧州構林關該逆屢經挫敗正可乘此機會奮力進攻以期力掃狂氛姜玉順等軍前已諭令吳昌壽節制調遣著卽飭合力圖進剿並令宋慶張學醇等會合夾擊毋任賊蹤再竄他處官文鄭敦謹尤當檄令劉維楨姜玉順譚仁芳等軍不分畛域

四面會剿毋稍鬆懈西平等處逼近應山黃麻一帶何以鄂軍並未出境迎擊著官文鄭敦謹嚴檄成大吉等軍迅赴豫會剿仍一面嚴守本境勿令賊蹤竄入不得再事玩延劉銘傳一軍業經會國藩飭令赴豫著該大臣卽檄其迅赴確山與豫省馬德昭蔣希夷等軍合力夾擊務將賴牛等匪殲除鄭敦謹前已有旨補授戶部右侍郎湖北巡撫已令李鶴年補授李鶴年到任需時鄭敦謹未卸任以前所有鄂省軍務仍當認真籌畫布置不得存五日京兆之見欽此

同治五年正月奉

上諭軍機大臣等喬松年奏楚境竄賊情形並派兵會剿一摺賊匪因成大吉營勇丁譚漬躡蹤南趨盤踞於麻城黃岡之間分擾羅

田黃岡一帶勢甚蔓延喬松年現飭總兵王才秀四營馳赴麻羅擇要駐劄視賊所向與鄂軍併力追剿尙能不分畛域著卽嚴檄該總兵認真剿辦毋稍鬆勁張得勝一軍現已改令駐劄宋埠並於雒河防軍內抽撥三營鎮劄三河尖防堵亦尙周密曾國藩現已派兵由豫援鄂著該大臣卽飭劉銘傳等軍奮力追剿賊旣分擾麻黃羅田各境則股數已分而較弱剿辦當易爲力務當就地殄盡不可再任北竄致成不了之局黃麻等處團練素稱得力官文鄭敦謹宜聯絡紳團協同助剿並嚴督鄂省將士實力進攻不得以本省軍務專待他人援應賊被劉銘傳援軍由北路追壓勢必南竄漢黃官文鄭敦謹尤當厚集水陸兵勇嚴密堵剿毋稍疏虞沿江一帶著曾國藩調撥水師防堵英霍舒桐等處喬松年當

留意防範欽此

同治五年二月奉

上諭軍機大臣等官文鄭敦謹奏官軍克復黃陂縣城暨請仍留馬德昭在楚會剿各摺片逆匪麇聚黃陂城內及新洲岐亭宋埠一帶經楚省官軍會同劉銘傳等軍合力圍攻殺賊甚多其奔竄出城者又被我軍分路追殺當將黃陂縣城收復現在敗逆均向安麻新洲一帶大路竄去亟應乘勝殲滅以除後患官文等已飭豫楚各軍跟蹤追剿並飭王才秀由麻城一路前進咨劉銘傳就近馳赴新洲等處迎頭攔截與追軍前後夾擊務卽嚴檄各軍奮力兜擊迅殄逆氛毋任再行紛竄復致蔓延欽此

同治五年八月奉

上諭內閣御史汪朝榮奏月食示警請飭在廷諸臣實力修省一摺
現在捻匪回氛尙未平定江南之淮揚廬鳳湖北之江漢蘄黃等
處均罹水災尤宜倍深儆惕朝廷宵旰勤求不敢稍自暇逸內外
臣工其各力圖振作同心協贊用副恐懼修省之意欽此

同治五年十二月奉

上諭軍機大臣等官文奏髮捻突竄黃陂逼近武漢現籌布置情形
各摺片髮捻各逆假冒官兵突竄麻城黃岡之新洲倉子埠等處
肆擾距省城僅數十里近省一帶無兵可調勢甚危急官文現飭
譚仁芳移劄瀟口姜玉順繞前截擊左光培礮船赴漢川新溝力
保江面著譚廷襄會國荃卽飭該將等認真防剿並由會國荃營
添撥兵勇嚴防漢鎮及黃州等處會國藩李鴻章卽飭周盛波等

軍儘力窮追李鶴年飭宋慶一軍跟蹤追赴鄂境賊旣竄至水田
較多之處馬力難於馳騁正可調集各路主客各軍四面兜剿聚
而殲旃務當申嚴號令督飭諸將併力齊心認真剿辦儻有觀望
遷延貽誤事機者卽著嚴參治罪會國荃前擬誘賊入險本係正
辦惟該撫駐劄武勝關距賊甚近賊蹤竄繞後路震動省垣該撫
毫無布置且近省各軍俱已調撥赴營致令後路空虛實屬調度
無方儻掉以輕心不能速籌防剿就地殄除致令竄出本境坐失
機會恐不能當此重咎也懍之黃州毘連安慶並著英翰分布兵
勇嚴密堵遏毋任髮捻東竄欽此

同治五年十二月奉

上諭軍機大臣等官文會國荃奏官軍扼截股匪沿途疊勝情形一

摺任賴等逆由豫省商城竄入麻城兼擾黃安黃陂等處經姜玉順各軍分途截擊該逆竄撲雲夢於上月二十三日突攻德安府城維時郭松林率軍東來親督各營連番迎擊陣斃悍賊多名賊眾大潰據獲賊供稱該逆欲乘虛襲踞城垣為度歲之計著譚廷襄會國荃嚴飭郭松林譚仁芳等軍趕緊窮追毋任喘息該逆現經挫敗必圖上竄京山天門一帶甚屬空虛會國荃已檄飭總兵劉維楨等軍由棗陽襄陽分路攔截即著該總兵等嚴為堵禦覘賊所向併力殲除會國藩李鴻章亦當分飭劉銘傳周盛波等會合鄂軍分投兜擊不可縱出鄂境復肆蔓延德安為武漢上游地當衝要會國荃應否移營駐劄調度各軍著妥為酌量其溝口等處仍著譚廷襄會國荃嚴檄派出各員嚴密防守以固省垣所有

鄂省追剿諸軍如有觀望不前任賊狂竄者著該署督等遵奉迭次諭旨查明參辦毋稍徇隱襄樊等境毘連豫疆難保該逆不乘虛回竄李鶴年務當豫籌防禦毋得專待客援致豫境又形糜爛劉秉璋等現在屯劄何處並著會國藩李鴻章飭令扼守鄂豫交界地方迎頭截擊以壯聲援欽此

同治六年二月奉

上諭軍機大臣等譚廷襄奏髮捻東趨飭軍分赴下游扼剿一摺譚廷襄會國荃奏賊擾黃麻派軍堵剿並查明任化邦賴汶洗等逆尚未殲斃各摺片逆匪經鮑超等軍擊敗之後雖受懲創馬步人數尚多任賴等逆相率逃逸現復由桐柏一路回竄鄂疆蘄黃麻羅防剿極關緊要譚廷襄已飭襄河水師下駛並調藍斯明等軍

移劄溝口分布黃州麻城等處即著嚴飭各軍防剿兼施不得令一賊一騎闖入腹地曾國荃督令彭毓橘等軍速赴黃麻痛加剿洗務須就地殲除毋許旁逸沿江地段並責令彭玉麟所派之王吉等水師二營與鄂軍梭織防禦皖之宿太英和與鄂毗連英翰當督飭皖軍嚴密布置如賊蹤竄近即迎頭奮擊以收夾擊之效欽此

同治六年三月奉

上諭軍機大臣等譚廷襄曾國荃奏捻逆盤旋於麻蕪二黃官軍獲勝賊復上竄雲孝現在會剿各情形一摺賊眾在麻蕪二黃境內疊經姜玉順等軍擊敗各有斬擒左宗棠帶兵行至溝口麾軍追剿刻下任賴二逆上趨雲孝將由應城天門以赴白口冀擾襄河

南岸完善之區著曾國荃檄飭襄河水師節節上駛極力防範並整頓各州縣民團憑河固守以保要隘鄂軍三十餘營止可併為一路現由孝感雲夢緊躡其後僅成尾追之勢不足以遏凶鋒鮑超假期屆滿自必督率迎剿用收夾擊之效該提督何日拔隊啓行即著趕緊奏報以慰馳繫不得任意遷延自棄前功致干重咎李鴻章已派李昭慶等率淮軍由麻城入鄂即著催令鮑超一軍與之會合上下夾攻以紓鄂患曾國荃已由水路赴省著將現在軍情與譚廷襄妥商辦法如賊勢趨重何路即行相機出省調度毋誤戎機欽此

同治六年五月奉

上諭內閣上年捻逆自豫竄鄂疊經諭令李鴻章曾國荃督飭湘淮

各軍及鄂省諸軍實力勦辦以期就地殄滅永靖捻氛乃該逆游弋於鄂之黃麻隨棗豫之南陽信羅一帶縱橫馳逐疊報勝仗日久無功本年五月間據山東河南各省奏報該逆長驅入豫歷葉縣襄城許州蘭考直竄山東遂由鄆鉅趨壽張一帶直撲運河現復竄泰安甯陽等處漸逼省垣尙復成何事體各省疆吏及統兵大員平日所爲布置防勦者安在殊可痛恨賊至則堵禦無方賊去以出境爲了事糜帑殃民迄無底止中原捻患何日可平耶除丁寶楨昨因河牆不守業經交部嚴加議處及認守地段之營員朱萬美令於軍前正法外湖北巡撫曾國荃著摘去頂戴與河南巡撫李鶴年一併先行交部議處以示薄懲欽此

同治七年五月奉

上諭軍機大臣等郭柏蔭等奏遣撤霆峻各營並辦理江湖會匪情形一摺江湖會匪首蕭朝翥蕭朝舉在湖北地方立有蓬萊天台等山老帽陪堂紅旗等項名目沿江肆掠乘霆峻等營遣撤糾黨分布黃梅武穴龍坪各水次阻截散勇迫脅滋事兇燄甚熾經郭柏蔭等檄飭提督譚仁芳等水陸各營擒獲匪黨劉子霖胡國星等十餘名正法並盤獲匪船三隻其盤踞黃梅陸家嘴之匪亦經總兵婁雲慶密約水師會同民練殲斃四五百人餘匪星散匪首蕭朝翥經知縣廖恩樹副將向百福會合兵勇追捕經勇丁陳之貞等將蕭朝翥殺斃辦理甚爲妥速著郭柏蔭何璟嚴飭所屬各地方官聯絡水陸各營將逃散餘匪一體認真兜拏務期淨絕根株毋任一名漏網霆峻各營散勇並著飭令婁雲慶妥爲鈴束

黃州府志卷之四
勿令沿途逗留滋事所調各營仍令擇要駐劄嚴密搜捕以靖地方將此諭知郭柏蔭並傳諭何璟知之欽此

同治七年八月奉

上諭前因捻逆張總愚竄擾直隸等省小民耕種失時流離困苦軫念良深諭令各督撫查明被擾輕重情形分別奏請蠲緩錢糧以示普沛恩膏因思捻逆肆擾湖北河南安徽江蘇山東等省歷十餘年吾民蕩析離居轉徙顛沛殊堪憫惻今幸次第蕩平自應一體施恩俾小民得免追呼之苦所有被擾最重之安徽鳳陽潁州泗州江蘇徐州海州山東曹州濟南青州沂州河南開封歸德陳州許州汝州光州湖北黃州德安所屬各州縣同治六年以前錢糧除業經蠲免外其實欠在民者均著概予豁免此係朝廷曠蕩

之仁該督撫等務當卽飭所屬州縣認真稽覈不得以完作欠致滋弊混並著刊刻謄黃遍行曉諭務使實惠均霑毋任吏胥舞弊其餘被擾較輕各屬並著各該督撫查明分別奏明請免舊欠錢糧以副朝廷軫念災區至意該部卽遵諭行欽此

同治八年九月奉

上諭軍機大臣等李鴻章等奏湖北被水成災較重請飭部撥款以濟工賑要需一摺本年湖北武漢等屬地方夏秋多雨又值湘水下注川水襄水併漲隄垸漫潰田廬被淹業據該督撫奏撥軍需善後項下錢二萬五千串並於省倉提撥穀石以資賑恤該督撫現於武漢城外分設粥廠並令各府縣設法平糶災黎諒可不致失所惟秋禾補種失時轉瞬卽交冬令更虞饑寒交迫該省隄工

既難捐辦亦宜亟爲豫籌該督撫以賑撫隄工兩事搏節辦理需銀三十萬兩擬請飭部撥款以濟要需著准其在於應解京餼之司庫地丁暨江漢關六成洋稅各撥銀十萬兩並在本省貨釐鹽釐項下各撥銀五萬兩照該督撫所議將有隄州縣未成災者准其借撥修隄已成災者以工代賑其老弱婦女及無隄州縣概行酌發賑濟該督撫務飭各該地方官認真經理以期實惠及民毋任官吏中飽其各屬被水輕重情形及成災分數並著飭屬趕緊查勘分別奏請蠲緩用副朝廷軫念災區至意餘著照所議辦理將此由五百里各諭令知之欽此

同治九年八月奉

上諭內閣李瀚章郭柏蔭奏川江水勢異漲荆宜等屬猝遭水患並

漢水時發沿河民田垸隄淹漫一摺本年夏閒湖北大雨時行江水陡漲五月閒漢水又發以致宜昌郡城內外概被淹沒荆州南岸公安地方被淹最重此外松滋石首監利嘉魚咸甯蒲圻江夏漢陽黃梅及鍾祥荆門京山潛江天門沔陽漢川黃陂孝感雲夢應城各州縣均因各隄漫潰田畝淹沒人民遷徙殊深軫念所有被災較重之宜昌公安二郡邑著李瀚章等督飭司道籌款發給量予賑撫其餘各處並著督飭各該地方官隨時設法妥爲安撫毋令一夫失所餘著照所議辦理該部知道欽此

光緒二年正月奉

上諭軍機大臣等李鴻章等奏鄂省試辦開採煤鐵一摺據稱湖北廣濟縣所屬陽城山產煤甚旺興國州所屬山地兼產鐵礦

黃州府志卷之百
兩處均可開採現由李鴻章翁同爵籌撥資本制錢共三十萬串擬卽派員設局試辦等語此事爲該省創辦必須詳細籌畫以期悉臻妥協翁同爵卽飭令道員盛宣懷妥爲經理並飭道員李明墀會同籌辦督飭地方文武認真稽查彈壓毋任滋生事端仍著李鴻章沈葆楨隨時督籌查察以防流弊至煤鐵所售價銀卽著照所擬提還湖北直隸資本俟提清後卽以此項餘利作爲江海籌防經費該督等務當督飭各員將支發各項核實動用毋稍虛糜將此由四百里諭令知之欽此

光緒三年九月奉

上諭李瀚章奏匪徒潛謀起事訪獲各犯分別懲辦一摺湖北羅田縣屬與河南商城固始等縣接壤地方於本年七月間突有

游勇陳子鼇勾結匪徒謀爲不軌經提督周德升派撥弁勇會同羅田縣知縣前往緝拏當將陳子鼇等拏獲並據麻城等縣獲犯多名首犯陳子鼇業經正法其餘各犯分別懲辦地方現已安謐惟陶咏鎮等在逃仍著李瀚章飭屬嚴密查拏並著李慶翱飭令商城固始等縣一體嚴拏務獲毋任漏網其楚豫交界之招軍砦地方素爲捻匪出沒之區恐伏莽未清復行勾結滋事著李瀚章李慶翱分飭各該州縣清查保甲整頓團練務當認真辦理以緝姦宄而遏亂萌將此由四百里各諭令知之欽此

Table with 10 vertical columns and 10 horizontal rows, currently empty.

盛典一

康熙二十一年上元節

賜宴乾清宮賦詩用柏梁體

御製詩序

少詹事王澤宏侍讀王封榮俱黃岡人恭預盛典

朕於宣政聽覽之餘講貫經義歷觀史冊於書見元首股肱賡
颺喜起之盛於詩見鹿鳴天保諸篇未嘗不慕古之君臣一德
一心相悅若斯之隆也今際海內晏安兵革偃息首春令序九
陌燈輝豐穰有徵吾民咸樂思與諸臣及時式燕爰於乾清宮
廣集簪裾肆筵投几斯時也瞻光釐炬焜耀堂廉綵樹瓊葩雜
羅樽俎許笑言之弗禁寬儀法之不糾復令次登文陛渥以金
罍咸俾有三爵油油之色焉易曰上下交而志同傳曰享以訓

恭儉宴以示慈惠則今日之兕觥旨酒豈徒以飲食宴樂云爾哉顧瞻諸臣或位居諧弼或職任卿尹或典文翰或司獻納共成篇什以紹雅頌之音朕發端首倡倣柏梁體班聯遞賡用昭昇平盛事冀垂不朽云

御製麗日和風被萬方

卿雲爛漫彌紫閭內閣大學士 覺羅勒德洪一堂喜起歌明良內閣大學士 臣

明珠止戈化洽民物昌內閣大學士 李霽麥蕭燕譽

聖恩長內閣大學士 馮溥天心昭格時雨暘吏部尚書 黃機豐亨有占祝千箱

聖皇禮部尚書 吳正治禮樂文章仰

廟謨指授靖八荒兵部尚書 宋德宜春回

丹詔罷桁楊刑部尚書 魏象樞河清海晏禹績彰工部尚書 朱之弼百度胥飭綱

紀張都察院左都御史 徐元文千官濟濟盈巖廊吏部左侍郎 張士甄天工無

曠勤贊襄吏部右侍郎 楊永甯有年歌協臣所望戶部左侍郎 李天馥共期

紅朽答殊常戶部右侍郎 李仙根轉漕億萬充天倉戶部倉場侍郎 馬汝驥邦

禮叨贊慚趨踰禮部左侍郎 楊正中職司寅清佐垂裳禮部右侍郎 富鴻基

天河洗甲通蠻鄉兵部左侍郎 焦毓瑞祗承欽恤和氣翔刑部左侍郎 杜臻刑措

皇威四暢咸來王兵部右侍郎 陳一炳八材庀化師及斯工部左侍郎 趙璟左平

不用民壽康刑部右侍郎 葉方謫仰窺神策驅天狼內閣學士 李光地膏以大

右城開明堂工部右侍郎 金鼎

澤人胥慶內閣學士 張玉書身依雲漢賡

帝庸作歌追虞唐翰林院掌院學士 陳廷敬盛典

天章翰林院學士張英恪秉訓厲敦羔羊左副都御史宋文運奉宣仁風之吳疆

原任副都御史今授江甯巡撫臣余國柱九闡詆蕩瞻龍光通政使司通政使臣王盛唐斗杓

高掩貫索芒大理寺卿張雲翼圖列養正親羹牆詹事府詹事臣沈荃黃鐘大

鏞諧禎祥太常寺卿臣鶴澄郊衢擊壤歡豐穰順天府尹熊一瀟大官珍膳

羅酒漿光祿寺卿臣馬世濟調閑六御騰康莊太僕寺卿臣張可荷忝預風紀凜

清霜僉都御史張吉午出入玉珮聲鏘鏘左通政臣崔官納言惟允尙職詳

右通政臣吳瑛褒忠厲節感

賜觴右通政臣陳汝器圖屏閑寂春草芳大理寺少卿臣榮國祚拜手好生頌禹湯

缺三字前星令望欽顛叩少詹事臣王澤宏終始念典期用臧

少詹事臣崔蔚林言謨行範輝縹緗侍讀學士臣蔣宏道猗歎

至德日就將侍讀學士臣胡簡敬叨塵侍從恩莫量侍讀學士臣朱之佐靖共夙夜無

怠遑侍講學士臣嚴我斯梧桐生矣于高岡侍講學士臣孫在豐紬書東觀翰墨

香侍講學士臣盧琦三德六行為士坊國子監祭酒臣王士禎宮官備位滋悚

惶右春坊右庶子臣祖文謨六經義叶如笙簧侍讀臣朱典奎文煥若森琳琅

侍讀臣王封深朝朝橐筆侍

御牀侍講臣董訥紀載

聖治金匱藏侍講臣王鴻緒頻年宣室虛對揚侍講臣高士奇

神篇揆藻燭吳蒼侍講臣郭棻承華毓德成圭璋左諭德臣陳論青宮琪樹栖

鸞凰右諭德臣朱世熙金輿導從驂雲驥司經局洗馬臣田喜霖采恩流影耀

璧璫左參議臣趙士麟仁波溟渤同滅汪左參議臣趙之鼎鸞旗乘春零露

灑右參議臣張鵬翮爰賡天保矢勿忘右參議臣鄭重八表同軌來梯航大理

寺正臣徐誥武雲門磬管聲嗶嗶左中允臣吳珂鳴泰交天闕開春陽中左

允臣李惟睿作聖金玉相右中允臣鄭開極珥筆何幸日月旁左贊

徐乾瑞逾寶鼎兼芝房左贊善臣鄭之謙堯尊夜醉星低昂右贊善臣沈上

學在廷悅豫和宮商右贊善臣王尹方濫典樂正董上庠司業臣劉方喆治

登三五休聲颺修撰臣歸允肅睿謨典誥同洋洋編修臣王頊齡記神聖功

臣職當編修臣曹禾琅函瑤版書焜煌檢討臣潘未石渠高議芟秕糠

嚴繩孫檢討臣嚴繩孫日侍春禁研鉛黃編修臣杜訥願言直節謹自防吏科掌印給事

承祖中臣王承祖帝心勤民重農桑戶科掌印給事具舉細目恢宏綱禮科掌印給

誕敷文德四國匡中臣劉沛先嘉禾既植鋤莠稂刑科掌印給事

感丁中臣傅感丁奉琛執玉輸篚筐中臣姚締虞屈軼朱草紛兩廂

掌河南道御史臣唐朝彝封章問夜檢阜囊掌江南道御臣王珊擬將勁操堅蒼

箕掌浙江道御史臣李見龍朝無闕事聯班行掌山西道御史臣郭維藩千門燎火宵

未央掌山東道御史臣孫必振昇平高宴邁柏梁掌陝西道御史臣衛執蒲

黃州府志卷之六

盛典一

雍正四年重陽節

賜宴賦詩用柏梁體

御製詩序

太常寺卿鄒汝魯麻城人恭預盛典

朕繼大統惟朝乾夕惕兢兢仰法

皇考期賢哲盈廷民康物阜永承至隆之

聖治嘗思古之明良賡歌喜起君臣一德同心曠代為之欣慕今在

廷臣工協衷以資贊理顧瞻濟濟皆我

皇考數十年教育栽培之所詒也是以庶政具舉兆民樂業朕實嘉

賴焉康熙二十一年春

聖祖於乾清宮開昇平之宴振賡颺之歌盛稱一時美冠千古今丙

午九月節屆重陽覽百穀之斯登忻三農之有稔光風溢目海
宇澄清爰集王公卿尹用陳几筵笑言勿禁威儀不拘相悅於
一堂弗限夫三爵然禮著享燕之義詩有嘉賓之詠古君臣於
飲食宴會閒即具獻納拜颺之典也唐虞文武之世休風如昨
朕與諸卿宜則倣之今用柏梁體朕為倡始諸卿遞成篇什今
日也非徒命酒徵歌揚華摘藻蓋欲昭

聖祖養育之深恩朕廷泰交之雅會垂之奕世永傳斯事云爾
御製天清地甯四序成

賡歌拜手頌昇平和碩誠親王臣允祉卿雲旭日映金英和碩恆親王臣允禩
恩覃九有仰文明和碩怡親王臣允祥普天率土慶時亨和碩莊親王臣允祿願抒愚
忱體維城多羅果郡王臣允禮

湛恩渥澤周羣生

皇四子 太和景象彌寰瀛皇五子 弘晝九族敦睦沐

恩榮多羅順承郡王臣錫保御筵陪侍玉琰琤鎮國公臣德普一廷和氣慶豐盈保和殿大學士臣馬齊素餐帷

幄媿調羹文華殿大學士臣高祝

皇衷感召惟至誠文華殿大學士臣田從典老臣瑤席獻壽觥文淵閣大學士臣高其位梯

航萬國歌永清文淵閣大學士臣張廷玉黜陟維公玉衡呈吏部尚書臣查弼納均

平九式百度貞戶部尚書臣蔣廷錫仁風四洽天宇晴禮部尚書臣李周望聲靈

赫濯昭鴻名兵部尚書臣蔡珽求厥明允先平情刑部尚書臣塞爾圖虞廷弼

教忝秋卿刑部尚書臣勵廷儀職司水土任匪輕工部尚書臣李永紹

聖德剛健符乾行都察院左都御史臣福敏千八百國胥朝正都統臣顏德珠聯璧

合佳瑞并都統兼刑部侍郎錫壽兆民齊錢彭侍郎授為一恪

襄六計聲教宏吏部左侍郎澄清官敘贊銓衡吏部右侍郎

版圖恢廓周八紘戶部侍郎蔚興文教廣策征禮部右侍郎

天章爛漫雲霞頽禮部右侍郎止戈偃武靖鯢鯨兵部右侍郎河

清海晏環神京工部左侍郎蓬萊佳燕張錦棚內閣學士陰陽

調和奏六莖內閣學士佐持風紀嚴章程左副都御史

九重乾乾日勵精副都統鳳城佳氣拂霓旌副都統宮醞香浮

翡翠巵宗人府府丞琪花璀璨光蘭蕙通政使

彤廷仙樂諧韶韻詹事府馨香昭格潔犧牲太常寺卿嘉禾疊

產供粢盛順天府尹宣揚德化人歡迎署理江蘇巡撫

天廚惠賜飫珍烹右通政兼光祿寺少卿承平雅頌聲曾吟大理寺

吳隆 梧岡翮羽來鳳鳴少詹事橋門壁水波澄泓少詹事

睿評侍讀學士青壇祗肅侍侍讀學士卷阿獻賦欽侍讀學士

躬耕侍讀學士夙夜精白臣心盟侍讀學士魚依蒲藻鹿食苹侍讀

錫勝賜櫻侍講學士承天雨澤滋春萌右庶子風暄日麗鳥鳴

嚶侍讀五音從律和球鏗春臺星雲爛漫輝長庚侍講

御茗辨旗槍左贊善湛露

恩濃仙掌擎修撰和鳴宮樹聽秋鶯編修銅壺晝漏聲丁丁

天香碧落飄浮霽編修紫烟瑞靄互迴縈編修

黃州府志

盛典

七

承

恩館閣供使令編修臣梅鼓成紬書天祿黎火晶編修臣鄒升恆石渠東觀儲瓊

瑛編修臣馬金門世直

丹禁懷屏營編修臣勵宗萬鑲闡分校擷璣瑅編修臣邵基禮陶樂淑化自

更編修臣李鍾僑仁漸義摩俗不爭編修臣姚之駟三秋瑞穀充箱籩編修臣徐

本玉葶膏凝琥珀錫編修臣牧可登碧香丹實羅金橙編修臣凌如煥甘分

珍果駢珠瓔檢討臣衛昌績堂上堂下調琴箏檢討臣舒大成東序西序吹

簧笙楊椿佳時雲日煥軒楹檢討臣鞏建豐新開蕊榜歡庠檢討

南薰解阜聆鏗錚禮科給事中張鳴鈞尚方玉食傳香秔禮科

監史不設心先醒兵科給事中邱尚志璇題丹城仰崢嶸刑

給事中姜穎新

堯樽惠澤逮簪纓工科給事中臣閻圻

舜日麗照倍晶瑩監察御史尹泰左圖右史玉案橫監察御史高維新所寶惟

賢輕白珩監察御史程仁圻不須珍羽貢雙睛監察御史湯之旭鈞天迭奏

何碎鈞監察御史梅琮重陽令節開九閼監察御史錢兆沆

帝庸作歌暢元聲監察御史李璿盈廷喜起臣鄰賡監察御史陶正中

盛典三

乾隆九年甲子

上諭朕幸翰林院既與大學士等用張說五律字分韻賦詩顧人數
為字所限編檢庶常吉士皆不獲與因復為柏梁體朕倡首句俾
人賦一句用聯上下之情編修萬年茂黃岡人
恭預 盛典

御製重開甲子文治昌

佐文贊治資賢良大學士伯以
鄂爾泰

聖繼

聖垂經常大學士伯於赫
張廷玉

太上示清行大學士伯
福敏繩武弼基繫我

皇大學士伯
陳世倌四聰四目開明堂大學士伯
史貽直野無遺賢始悅康禮部
尚書

臣任梗楠杞梓松柏桑兵部尚書珣玕琪映璆琳琅刑部尚書

照從龍從虎雲風翔工部尚書葭徵玉管迨初陽左都御史

集賢落成隆桷宋吏部侍郎連延穹窿以輝煌戶部侍郎老

槐蔽景絲庭廊倉場侍郎奪暑卻寒温又涼兵部侍郎法度

既備丹雘彰兵部侍郎惇誨故老宜徜徉刑部侍郎展也燕

寢凝清香工部侍郎將作入奏報克襄工部侍郎

帝曰朕其鴻厥慶內閣學士來游來歌雅所臧內閣學士况今

二老民之望內閣學士爰飛

神翰拂縑緗副都御史金壺墨瀋流淋浪宗人府府丞璇題雙賁

日月光通政使筆勢一落千丈强大理寺卿勁力外

仙臺雄健擺礮礮通政使張若霽

爽神內藏詹事點躡芒玉磔迴岡太僕寺卿金薤倒披貫

柳魴兪都御史鸞鶴交翥上銀潢左通政烟雲舒卷難形

相右通政榮光屬天莫可量少詹事未許常侍擬登牀

侍讀學士世臣飛白賜蘇讓美芳侍讀學士矧乃仙巢署蒼貧侍讀

學士陳邦彥吉日庚午日之剛侍讀學士遂移

天扉下闔閭侍講學士警蹕駭顧陞楯郎祭酒龍鸞和鈴鏗復

鏘祭酒揚金鏤而拖玉瓊四譯館少卿雲罕俾倪導纓纒順

府府丞鄭其備葉葉秀文覆儀鎧大僕寺少卿紛敷旖旎從風揚

鴻臚寺鄭其備歷天捎星耀日鉉光祿寺少卿紫烟煜爚御道黃

庶子周資瀛池儼立千鴛鴦侍讀金紫銀艾簪截肪侍讀周玉章

入門升階和以莊侍講吉暉真氣溢圓方侍講六章五

觀保盛典

黃州府志卷之四

十

采蔥衡瑒論德臣 如天啟門日在房洗馬臣 馮翼孝德瞻顯

印候補洗馬 王多吉士咸對敷中允臣 尊師九拜謁

素王中允臣 迴過劉井憩東廂贊善臣 昌黎文伯社茲鄉司業

年董邦達 北門學士莫椒漿司業臣 編鐘鼓韶濩綱左參議 崇牙

樹羽虞越右參議臣 高管噉嘯龍耶鳳阮學濬 象鳳翼笙

斑管長僧格勒 玫瑰作柱朱絲張編修臣 翻籥繁會相低昂

鐘音檢討臣 繞風停雲慨以慷編修臣 人聲諧律相和倡編修臣

分刊節度窮窳茫編修臣 欣與人心犁然當編修臣 鳥為拊

翼魚闖防檢討臣 如軒張樂洞庭旁編修臣 元臣稽首鳴珞

璜檢討臣 敬上千秋萬歲觴編修臣 于胥樂兮無怠荒編修臣

謙周長發 一獻百拜禮則詳編修臣 朱虎熊羆與及斯編修臣

肅肅濟濟躅編修臣 炊金饌玉出禁坊編修臣 太清紅雲員

嶠霜編修臣 翠濤醅醕醅醕醕編修臣 越駱茵和陽撲薑檢討臣 江

彥韓 猩唇旄約雋翠脚檢討臣 遠方口實導擇將編修臣 鼎中變化

橘夢柚常山棠編修臣 遠方口實導擇將編修臣 鼎中變化

尹對湯編修臣 微織精妙大官湘編修臣 炙三七五應未嘗

葉酉 帝歌卿雲宮統商編修臣 八伯咸進拜手颺編修臣 韻得燕公五

字章編修臣 聯吟更仿漢柏梁編修臣 式瞻

天藻萃圭璋編修臣 圓龍方虎排明璫編修臣 燭龍銜曙光

日星宵迴錦繡腸編修臣 薰風晨露相頡頏編修臣 昭融至道若雨暘編

四煬檢討臣 衝波激岳聲將將編修臣 昭融至道若雨暘編

臣王 覺蓮

天光下濟濡荏芒給事中 臣鍾衡五色秀華流戴匡給事中 臣程鍾彥披條振藻

六藝場給事中 臣楊二酉風雷鼓舞物蒼蒼給事中 臣程盛修鐫勒金石傳

膠庠給事中 臣王興吾流播樂府諧笙簧給事中 臣周祖榮從臣才藝花發

莒給事中 臣鄒一桂駑駘步武龍騰驤給事中 臣胡定蓬萊望見風引檣給事中 臣

桃開鬱水滿磅礮監察御史 臣包祚永聖涯游泳涵絃滄監察御史 臣

不可即空傍徨監察御史 臣孫灝乃知

天文元氣航監察御史 臣吳文煥

聖處不須一葦杭監察御史 臣張漢雕蟲篆刻宜慚惶監察御史 臣馬秉仁越玉五

重廁瓠瓢監察御史 臣范咸分爨立仗老驢驢監察御史 臣張孝桂泰華千仞

登跛牂監察御史 臣楊開鼎學優得文愧應場監察御史 臣馮元欽春蘭秋菊雜

藏蕘監察御史 臣歐堪善風松奚用引蝴蝶監察御史 臣沈景瀾迫窘詰屈走路

僵監察御史 臣沈廷芳願歸夜讀發青箱監察御史 臣邵齊燾畋敷二酉羅三倉

天祿石渠居就糧庶吉士 臣凌鎬易參肅弼詩申萇庶吉士 臣

博聞為饋貧之糧庶吉士 臣王世仕學海萬里去鳴榔庶吉士 臣王太岳珊

瑚結網麗鯨鱗庶吉士 臣朱樓甯甘決起搶榆枋庶吉士 臣張泰開不離省

闡希文彊庶吉士 臣姚範温恭朝夕莫或違庶吉士 臣劉炳烟霞被濯玉雪

裝庶吉士 臣孫延槐效愚千慮一贊襄庶吉士 臣朱佩蓮中夜起舞不能忘

聖人端拱垂衣裳庶吉士 臣蔡時田調和玉燭握珠囊庶吉士 臣徐璋瀉風沕穆

恩滂洋庶吉士 臣經聞鈐轄不動矢直狼庶吉士 臣王鋌化被萬國通狼臙

黃州府志卷之百

庶吉士 臣 杜若拙

遠致赤兔來白驥

庶吉士 臣 盛格

不但蠻狄與戎羌

修 顧汝

皇仁旁鬯風泱泱

庶吉士 臣 戈岱

上天降豐歲其穰

庶吉士 臣 劉錫齡

六氣無易盛德禳

庶吉士 臣 閻循琦

十雨五風

絕旱蝗

庶吉士 臣 覺羅奉寬

引恬引養無胥戕

庶吉士 臣 惠元士

際茲休明敢

不獲

庶吉士 臣 金洪

旁招俊乂匪其彭

庶吉士 臣 蔣辰祥

渙羣元吉馬匹亡

不獲

庶吉士 臣 叢中芷

橘徠服兮甘在瓢

庶吉士 臣 周孔從

素絲五絨風羔羊

朝徹永無鷓味妨

庶吉士 臣 廖芳蓮

泰交一德凜復隍

庶吉士 臣 康佐

士 臣

陳桂 永膺

萬福儲千祥

庶吉士 臣 熊為霖

天人和樂未渠央

庶吉士 臣 黃遇隆

冬日宴温下

紅牆

庶吉士 臣 熊元龍

戛然清韻傳風篁

庶吉士 臣 張日譽

六龍迴跋搖鏤錫

庶吉士 臣 陸樹本

拜送遙瞻豹尾槍

庶吉士 臣 周人騏

都人抃

舞喜若狂

庶吉士 臣 周燾

作歌賡拜追虞唐

庶吉士 臣 程景伊

不數橫汾與

長楊

庶吉士 臣 邱柱

蓼彼蕭斯零露瀼

庶吉士 臣 陳大瑜

恩深如海奚以償

恩深如海奚以償

庶吉士 臣 出科聯

玉堂盛事垂無疆

庶吉士 臣 儲麟趾

貴州府志卷之四

盛典四

乾隆十一年八月

賜宴瀛臺賦詩用柏梁體

御製詩序

御史萬年茂黃岡人
恭預 盛典

稽古虞廷卿雲有什亦越周廟湛露升歌股肱之義斯明上下
之情攸暢胥任亮采惠疇之寄應同先憂後樂之心故以式宴
陳詩必有取爾颺言拜手豈徒然哉歲在攝提月維夷則披雄
風於閭闔揚皞日於蓬萊慶叶西成感

圓穹之厚賜筵開上苑仰

聖祖之徽猷蘭沼澄而鏡影開楓林疏而黛光罨蘆藏迴雁無煩寄
塞上之書藻樂遊魚更致想渭濱之釣召儒雅而布席匪為賞

貴州府志卷之四

盛典

十四

花對景物以開樽多因登穀桂馥涵元殿甫度中秋之晨菊芳
待月軒預借重陽之會園臨豐澤麟鳳紛來院賞淑清魚龍曼
衍於是庖人設宜涼之饌常侍頒授衣之緋藻思構而豔吐筆
花繪景呈而香霏墨雨三爵無限尙餘恭儉之儀一日追歡敢
忘惕乾之警千言成序自愧無文七字導吟共成全首乾隆十
一年八月御筆

御製金風玉露慶西成

清昊薦爽天宇晶大學士果毅曙光銀漢橫庚庚大學士伯
芙蓉圓闕開朗晴子告大學士赤繒雲護飛烟輕大學士臣萬
千樓閣氣象生陳世倌康年泰運占豐亨史貽直甸師
入告百穀登協辦大學士吏部高者黍稌隰稻稔戶部尙書

書大有年瑞史應戶部尙書於皇

皇德穆且宏禮部尙書宅中建極昭蕩平禮部尙書旁燭六合耀

八紘兵部尙書川珍岳貢胥效靈刑部尙書以觀耿光

祖武繩刑部尙書

堯天巍蕩無能名工部尙書信勇

天庥滋至居既令工部尙書風牧元凱咸在庭理藩院尙書

帝曰休哉咨股肱左都御史猗昔

皇祖垂芳型吏部侍郎張筵別殿愷澤滋吏部侍郎舊章肅舉其

欽承吏部侍郎展親錫賚先宗英吏部侍郎爰集台表逮列

卿戶部侍郎詞臣柱史影長纓內閣學士署倉場侍介雅需

雅聯羣情倉場侍郎詰朝鵠侶鏘璜珩禮部侍郎班閭闔而

凌登閣禮部侍郎鄧鍾岳繚垣紫界周迴縈兵部侍郎舒赫德池開太液波

澄泓兵部侍郎陳惠華百頃一碧涵光熒兵部侍郎王會汾超臺璇玑高峻

增刑部侍郎羅爾森香展翔鳳飛丹甍刑部侍郎陳羣九苞鸞翥百尺

瓴刑部侍郎兆惠重芬流景瞻層層工部侍郎索柱麟毫織簾鏤犀釘

工部侍郎涂逢震工部侍郎猊鑪香噴帷弼張內閣學士砌有朱草階有冀內閣

留保學士露盤轟峙擢金莖內閣學士雲磴縹緲白玉京內閣

定元朱淑清萬卉圍芳牕內閣學士流杯幾曲紆烟汀內閣

德潛春泉灑灑秋琤琤副都御史香風披拂迎薰亭副都御史

招涼銷暑宜長嬴宗人府府丞豐澤弄田

躬所營通政使一橫一縱列畦町大理寺卿玉禾珍穰積歲贏大理

寺卿劉綸水雲之榭臨滌滢詹事中流御風虛可憑太常寺

世倬臥波玉竦遠碧橫順天府尹石欄刻畫獸與鯨太僕寺卿

天吳鼉扇符拔猛太僕寺卿承光圓嶠環碧城僉都御史

面翡翠雕牕櫺右通政盤拏古栝形翦鬢少詹事瓊島秀

聳霽靄凝少詹事韶呀豁閉穿雲局侍讀學士浮圖破空

勢崢嶸侍讀學士舍利五色懸慧燈侍讀學士慶霄傑構開

軒楹侍讀學士水光縹白山圍青侍讀學士天喬草樹森翠

屏侍讀學士松槐榆柳檜柏檉侍讀學士蓼蘋蘆荻芷若蘅

亮侍講學士鷺鷥鸕鶿鵲侍講學士沈牽荇藻浮咳萍侍講

吳履泰學士泛泛舩艇飛蜻蛚太常寺閒情似訂鷗鷺盟四

館少卿游龍

御舸遠揚舩鴻臚寺卿舟牧舉擢歌旬旬順天府丞綺瀾激澗淨

綠渟庶子臣輕儻在藻尾不賴侍讀臣牙檣桂楫浮中冷侍讀

臣張披襟遙矚萬象呈侍講臣勝過弱水求蓬瀛侍講臣高

閣蓮漏傳丁丁侍講臣先期勅戒上林丞論德臣

鸞輿鳳駕鳴金鈺諭德臣鉤膺方鉉借彭彭洗馬臣鏗復鏘兮展

和鈴中允臣郵偈旖旎揚霓旌中允臣翠帽葩瑤交儀鎧贊

臣羅天迴日被玉軫停司業臣涵元殿敞龍氣騰司業臣徽

辰雲擁

天步升左參議千官翊侍稽首迎編修臣文陛蹈舞嵩三稱編修

其霞封六幕張綵棚編修臣廣廷花爛紅竈毳編修臣東西

接席羅楸枰吳絃流蘇樹羽虞業撐編修臣七調六味堯

龍光樂豈湛露零編修臣大官供具陳大烹編修臣嚴源燾

廚羹編修臣蹕熊胎豹脣猩猩編修臣水登魴鯉陸麇麋檢

臣萬不敷禁嚮兼侯鯖編修臣雪藕丹桂金柑橙檢討臣蜜

餌餽釘黏膏錫編修臣鑄梅鏤棗脯桃櫻編修臣白抄雲子

踰青精編修臣氤氳花露淨仙醪編修臣彫觴滿酌翠樽盛

金姓八珍九醞郁芬馨檢討臣酪乳香瀉頗黎畏編修臣

龍團細碾霏清霽編修臣鈞天廣樂諧韶訣編修臣鼗鼓按

節殷鑿鑿編修臣撻金無射聲噌吰編修臣雲和瑟調媧皇

笙編修臣繁絃促響陋琴箏檢討臣引商刻羽宮還更編修

燧歌喉圓滑遷林鶯編修臣婆娑曼舞曳翠翮檢討臣霓裳

霞珮垂寶纓編修臣羣仙彷彿交雲輶編修臣需雲溥潤瓊

帝所上壽呈金觥編修臣鞠臚齊祝千萬齡編修臣需雲溥潤瓊

漿傾編修臣邱柱 含醕不減中山醒檢討臣何晴 瑟琴篴篥叶鹿苹檢討

仙毫七字宣元聲檢討臣周人麒 驪珠迸落魚龍驚編修臣劉炳 妙拈庚韻通

青蒸編修臣寶光鼎 洪鐘嗣響容寸廷編修臣孫廷槐 傳箋絡繹翔雲征編修

李嶠鉅製音鏗轟編修臣經聞

天藻麗密排瑤瓊編修臣杜若拙 金聲玉振條理明編修臣顧汝修 乾統坤載涵

泰貞編修臣戈岱 仰瞻雲漢章晶瑩編修臣劉錫齡 微明熠燿同燭螢編修

暹春營度口吻晴雙瞳檢討臣羅奉寬 藝苑鼓吹慙和鳴檢討臣叢中芷

禮成樂闋歌載慶檢討臣胡澤潢 斜陽金碧明觚稜檢討臣周孔從 便蕃

錫子覃餘榮檢討臣王世仕 素練文錦絳縹緜檢討臣李金臺 喻丸茗穎剡溪藤編修臣王際華

分鮮玉果蓮芙蓉修撰臣錢維城 兼珍拜賜爭捧擎編修臣王際華

攜歸纍纍勝滿簾編修臣朱佩蓮 邱山

恩重虞難勝編修臣王以昌 道傍觀者相誇矜給事中臣鍾衡 古來盛事見幾曾

六十六載此再經給事中臣程鍾彥 若時宣豫典禮仍給事

劉芳諤給事中臣

神孫紹衣先民程給事中臣程盛修 迪光介祉虔勛增給事中臣黃元鏞 丹書申

傲几牖銘給事中臣李清芳 敷言錫極凜訓行給事中臣衛廷璞 泰交一德

堂廉弁御史臣包祚永 螭坳鶴籞儲國楨御史臣沈廷芳 八風從律六氣正

時暘時雨謝禱禳御史臣張漢 與與翼翼百寶盈御史臣柴潮生

蠲租惠洽九野氓御史臣馬璟 催科無復煩敲榜御史臣張孝桂 雞竿肆

赦息剿黥御史臣葛德潤 妻孥耽樂怡弟兄御史臣胡寶琮 耕田鑿井患不

櫻御史臣歐堪善 天河有水洗五兵御史臣沈景瀾 薈茶去莠鋤芽萌御史臣錢

度來儀鸞鸞翔焦鳴御史臣斯臧垌牧詠駉驛御史臣奇肱

祇貢睢以暉御史臣獻琛奉賚拜且趨御史臣狼脬萬里銷

衛朝御史臣龍沙久罷甌脫偵御史臣

帝德廣運至道弼御史臣

異數百爾欣躬膺御史臣勤思報稱懷淵冰御史臣昌言日贊抒

丹誠御史臣就瞻日月長升恆御史臣於萬斯年歌永清御史臣

臣萬年茂

黃州府志卷之首終

